

UTL AT DOWNSVIEW



D RANGE BAY SHLF POS ITEM C  
39 10 10 07 01 019 3

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---

DR  
442  
N3  
1916

Nazif, Suleyman  
Batarya ile ates



سلیمان نظیف

# بطاریه ابدیت

عرقم ، وطنکم ، تاریخکم امانت  
ایتمش اولان افراد واقواکم تیج  
برینی اونوتما ترک اوغلی !...  
اونوتما ... وعفو ایتمه !...

منافع نقدیه سی ایتام شهره مؤسسانه تبرع ایدلشدر .



سليمان نطيف

# بطاريه ابد آتسه

عرقمه ، وطنكمه ، تاريخكمه امانت  
ايتمش اولان افراد واقوامك ييج  
بريني اونونما ترك اوغلي ! ..  
اونونما ... وعفو ايمه ! ...

منافع نقدیه سی ایلام شهره مؤسسانه تبرع امدتشد .

استانبول — مطبعه عامره

۱۳۳۴

DR


442

N<sub>3</sub>

1916



خدا بیستاد بالیدیه



بلونہ سرہای معظمہ سنون دربارہ طابوری علیہ السلام  
 سراج الدیہہ بکارت نجی نجی، الشہید استادم،  
 جناب بزرگ افندیہ

بوسلحو صمیمیہ اربک دھارک پات اجلا اولہ برہنہ سلطان طوف  
 وضع ایہ جوہر - ماسعہ جوہر سکر اولاد کھدایہ اتخاف اولسون  
 الہ کورک نامیدین

نظیف  
 ۱ طاب



مختلف زمانلرده ، مختلف سبيلرك يازديرديغى بوپريشان صحيفه لرى .  
جمع ايله اولاد شهدايه اتخاف ايدييورم .  
حيات آرا ، حيات افزا اولوملر بر چوق قيمتلى همعقلرمزى  
المزدن آلدى . فطرت بشر نه قدر لاقيد وبى وفا اولورسه اولسون ،  
هر قوم وانسانك تجيل ايتديكى مقدس بر فكر وامل يولنده : وطن  
يولنده ، دين يولنده فداى جان ايدنلر ، وطنلرينك سطح خا كندن  
وطنداشلرينك حريم صميم ياديننه انتقال ايدرلر . طونه دن عثمانيه قدرشو  
مبارك ديارك هر طرفنده دو كولن قانلريله تاريخ مائيمزى يازمش اولان  
شهيدلرده بزم هم وقايعنامه موجوديتمزده ، هم قلمزده ياشايه جقدر .

سيمان نطيف

نشان طاشى ، ۱۲ تشرين اول ۱۳۳۱



روس کیمبر ، موسفوف نہ در ؟...





## روس کیدر ، موسقوف ندر !..

تام ایکی بچق عصر ... اوت ، تام ایکی یوز اللی سنه اولدی ،  
عرق و دینزک بواک بیوک واک بی امان دشمنه اولوم میدانلرنده  
صیق صیق تصادف اییدیورز . بوکون هیچ بر ترک و مسلمان عائله  
کوستریله مزکه بر ویا متعدد اولادینی موسقوف محاربه لرینگ برنده  
شهید ویرمامش اولسون !.. او معرکه لرک بیگلرجه داستان گریانی ،  
دیار اسلامک ایصسر کوشه لرنده ایکی یوز اللی سنه دن بری ایقاپ  
این ... ایکی یوز اللی سنه دن بری ایقاد کین اییدیور .  
مملکت مزده توتمین اوجاقلرک هر بری دیکرینه برروس محاربه سنده  
بسته لشمش برفغان ساکتی تکرار ایدر .

کویلر ، تارلارله نیچون خراب اولدقلىنى صور : درحال جواب  
ویرلرکه اعمار ایدن بازوی سہی بر موسقوف جنکنده قیرلدى !..  
بو دیارک شرقنده ، شالنده بر آووج طوپراق بولمازکه ترکک  
موسقوف ایلله دوکولمش مبارک قاتنی ایچمش اولماسون !..  
بو دیارک غربنده ، جنوبنده بر خانمان گورلمزکه جدار تارمارى  
ترکک ، روس سلاخیله اوزاقلرده ئولمش براوغلنه ایصال تللف ایتمه  
چالشان آه وواهنی دیکله مش بولماسون !..

موسقوفك صاحی مغفل ، سكوتی عقور ، مداراسی خانن ،  
یاردیمی مهیندر .

ای ترك اوغلی !.. سكا طمرلر كده کی قانی اهدا ایدنلر ، قانلرینك  
صوك قطره لرینی موسقوف محاربه لرنده دوكدیلر . سن بوگون ، یارین  
نه اولورسهك اول ، فقط اونوتماكه او شهیدلرك ابدی بر یتیمی سك !  
بودین ، بودولت ، بو وطن کبی ، بو غیظ ، بو کین ، بو انتقامده  
اونلرك سكا بر میراث مبارکی در . دنیاده بر روسیه وبر روس قالدقجه  
بو حقه و بو وظیفه كه حرمتکار اول :  
حقك اولدیرمك ، وظیفهك اولمكدرك ترك اوغلی !..



بطاریه بدآسمه ....!!!



## بىكارىيە ايله آتش...!!!

عثمانلىلارنىڭ وقايغىنامە موجدىتىتە چىتالچە محاربه سى برىھىفە مشوشە  
علاوہ ايدىرگىن ، بىز آلتىش بروطنپرست وىطنداش ايله حربىيە نظارتىنىڭ  
برىكنىچ مظلەمنە طىقلىمىشدىق .

فلاكت عمومىيەنىڭ مواجھە مەقسەسىنى كەندى ھالەتتە بىزنىڭ بىزنىڭ  
غەيىر . زاتىن اورايە نىچون وكىملىرىڭ مەقسەدىن مەقسەدىن ھەرقەسەمەش  
اولدىغىمىزى اوزمان تەمەيلى بىلىمىوردىق . ھالەتتە مەھەم قەلەمىزى نەقشەلەردىن .  
ھەقىقەتتە ارانىلىرىسە او مەھەم سەھە سەھە سەھە سەھە سەھە سەھە سەھە  
اولەيلىھەك نە بىرگەنە ، نە بىر ئۆلۈم ايشلىمىشدىق . بىزى كىچىك نەك بىرەندە  
توقىف وىنە كىچىك نەك بىرەندە تەھلىلەيتىدۇر . ايشە بوقدر !.. شىمىدى  
بورادە او ماجىرادىن بىزنىڭ ايدىشىم ، يازە جەم ماجىرانىڭ او بىزنىڭ تەھلىلى  
اولدىغىنى اىچوندىر . قارىدىن نىياز غەفو ايدىر .

اوت ، اردولرىنىڭ بىرلە وىنە بىرەنە بىرەنە بىرەنە بىرەنە بىرەنە  
استىلا ايدىن سەلىمان قانۇنىنىڭ پەيتتە بىزنىڭ بىزنىڭ بىزنىڭ بىزنىڭ بىزنىڭ  
دەق اىچون عثمانلى سەفائىن ھەربىيەسىدىن چەكەمەش وىزنىڭ گوللىرى  
اوكەندە آتلىان طوپلارنىڭ طەراقە دورادورىنى بىز كىچىك يارىلەندە مەھەم  
غەرىفىنىڭ نەچرەلەندى دىگەندە . اوسىلەر يالەكەز او لىال ھەجەرتە  
اىگەلەش وائىگەلەش اولەقە قەلەمەھەق ؛ اعماق روى وىادەم ، اوانىلارنىڭ  
مادام ھەيە مەكەس كەيىندىر .



ایشته شئونك براستهزای مؤلمی دهها: محاربه بایرام کونلرینه تصادف ایتمشدی. میدان حربده آتیلان طویلره، استانبولك مواقع معینه سنده ومعیّن وقتارده باطلایان افواه ناریه، صانکه برعید خاسر ك صدای تحیرینی ایصال ایدیوردی. یزاسك خارجده کی سکنه هواپرستنی بیلیم، بز بولندیغمز یرده دمبسته بهت اولمش، دیکلیوردق.

عثمانلی حرب کیلرینك چکجه وترقوس گوللری اوکنده باطلایان طویلری بزم زندان ووجودانیزی ایگلتیرکن، خیالم کچمش زمانلرك ماجرای مفاخرندن تسلیتلر دیلندی. وبالطبع الك اول [ پلونه ] یی دوشوندم.

پلونه نك وجهانك الك بیوك قهرمانی اولان غازی عثمان پاشانك نجل نجیبی نورالدین پاشادن برقاچ کون اول بر ( پلونه تاریخ حربی ) استعاره ایتشدم. ایکی کره قراکلق اولان اوکیجهلری مکر بوکتاب تنویر ایده جکمش. چونکه محبس عرفیه قدر جیبده بگا رفاقت ایتمشدی.

حالك مزاحمی ماضینك مفاخریه آوتمق وایوتمق ایچون، محتویاتی اوتوز سنه یه قریب بر زماندن بری آشنای حس وادراکم اولان ( پلونه تاریخ حربی ) نك صحیفه لرینی بربررچویرمکه باشلادم. هرورق بر قاچ قهرمانك سیما لایموتنی احتوا وتشهیر ایدیوردی. طونج کسلمش اراده لر، شدائد مواسم آلتنده ممت ایله حیاتی عین انظار استحقار ایله تتره تن وقور ومتین عسکرلر، ترك عسکرلری، برر برر کوزمك اوکندن کچدی. پلونه نك اوکونه قدر تاریخ ایله هیچ بر آشنالغی اولیان افق وضعندن بیلیم نصل بر هوای اساطیری وزان اولمشدی که قهرمانلری، بیگلرجه فرسخ اوزاقلردن تتره یین و آغلایان

خویشان معززك ياديتيمى قارشيسنده بيله بى حس و پر عزم طور ييورلردى .  
غزا ايله شهادتك يكدىكرىنى متوالياً قيصقاندىنى او ابدى كونلر  
برر برر كوزمك اوڭندىن كچدى . اكر انسانك ( فوق البشر )  
كوروندىكى ساعتلر و دقيقه لر وارسه اك بيوكلرينه ، بى شېه ، پلونهك  
آفاق خلودى مهد و مدفن اولمشدر .

بيوك و قه لر برچوق بيوك آدملىرى - اكر تعبير جائز ايسه - بر  
آنده يتشديرر . آرتق تاريخ بونلر كمالكانه مؤبديدر . [ پلونه ] ميدان  
حربنك اعداد ايتدىكى امكان اولماسه يدى ، قرق بيك نادره بسالت ،  
مجبور اولدقلىرى خصائص مردانه يى اظهار ايتمكه ميدان و امكان  
بولقسزىن ، هربرى برماضينك مقبره تارنده تارمار اولوركيدر و حقي  
[ زاپچار قهرمانى ] نك [ . ] بيله كوڭلرلر مزده بوقدر بلند و مخلص  
اريكه تجيلى اولمازدى .

پلونه اويله بركل دركه هر جزئى و بتون اجزاسى برتجانس ، برعينيت  
كوسترر . و يالگىز عثمان پاشا ، يالگىز توفيق پاشا ، يالگىز يونس بك  
دكل ، پاشالردن ، بكلردن ، افندى و آغالرله چاوش ، اونباشى و نفرلردن  
بركتيبه دى شان و دى وقار ، تاريخك حضور ابديت پناهنده مئادى  
بركيد رسى اجرا ايدر .

ايسته زهلى و كيملك نه سى اولدينى بيانمين بر على چاوشكه  
( اوشوندول ) قريه سنك اوست طرفه روسلر طرفدن قونيلان سكر  
طوبلق بر بطاريه ترك موقع ايتديرييور . اثرك مؤلفى پلونه يارانندن  
بيكباشى طلعت بك شو شخص و حادثه يى بوصورتله تعريف ايتمكده :

[ ۰ ] عثمان پاشا پلونه يه كلمه دن آز اول ( زانچار ) ده صرب عصاتنه  
برضربه بى امان اينديرمشدى .

« دشمنك بونقطه ده ثبات ایده مامسینه سبب یونس بك طاییه سنده بولنان اوچ طوپدن علی چاوش نامنده اولان و صربیه نك ایزوو محاربه سنده دخی بالذات معیت قوماندانیده بولنان بطاریه ده بولنه رق عثمان پاشانك و بتون اردو ارکانك مظهر تحسین و آفرینی اولان چاوشك جسورانه حرکتی و مدققانه نشان آتمسی یوزندن اولشدرکه دهآ آشاییده دخی بیان اولنه جنی وجهله قارشو - سنده کی دشمنك هرآن تبدیل موقع ایتمسه سبب اوله رق تاریخه اسمی درج اولنه حق صورتده ابراز حسن خدمت ایتشدر . » [۱]

علی چاوش !!! ایشته بر اسم که بوکون نسخ مطبوعه سی بیله کیاب اولمش بر کتابك چوک بر صحیفه سنده یاواش یاواش متواری نسیان اولغه یوز طوتمش . فقط بر زمان بر وطنی مدافعه ایله بر تاریخی قورتارمش اولان بوآدمه قارشی بزم نسیاندن ، اهلادن ، لاقیدیدن بشقه ایفا ایده جك وظیفه لرمن واردی .

علی چاوش بوکون بر حیاتی ، دکلکی ؛ کیسه بیلمز ! احتمال که استراحت ابدیه دن نصیب موعودینی حالا آلامش ... بلکه آناطولینك خراب بر کوشه سنده اختیار ، علیل ، محتاج ، آج ، کلوب کچنلردن برنقه ، برلقمه دیانیور . اکر بو بویله ایسه .... اکر علی چاوش پلونه دن کوتوردیکی حموله شان و شرفی بر کبله ویرانك سفالت و ذلتي ایچنده چورودیورسه ، ای ترک ، اوسفیل و ذلیل اولان سنك وظیفه ك ، سنك شرفك ، حیثیتك ، ناموسك ، عرقکدر . بلغارلرک بر حمله ده صوفیه دن چتالجه یه طیانمسی کی ، ظاهرده خوارقشجون بر مصیبه بویاکنرنج اهلکدن بشقه سبب آاما !

فقط بز پلونه یه دونه لم :

استحکاملره سونکو ایله هجوم ایدن و یاریم تعیین ایله کفاف نفس



ایتدیکی حالده دشمن عسکرلرینه سوددن ، یوغورتدن دملر اوران  
 عسکرلر ، بزم ترك عسکرلری ، بوصحیفه لرده اڭ مرد واڭ معصوم  
 چهره لرله کورنمکده در .

صوڭره قیش کلیور . بر صورتده که قارشیسنده اوحوول ومتین  
 ترك عسکرینی بولماسه ، هر عزم مقاومتی قیره جق وپلونه نڭ قبولرینی  
 ترامپت چالان موسقوف عسکرلرینه آچه جق . طلعت بك پلونه نڭ  
 الواح شتاسنی شو صورتله ازانه ایدیور :

تشرین اولك یکریمی ، یکریمی برینه طوغری ایدی که صوغوقلر صوك  
 درجه یه قدر شدت وپلونه تپه لرنده بولنان آغا جلرده ندرت بولوب عسکر  
 کیجه لری استحکام ایچنده زمینك اوجاقلرینی یاقه رق ایصینمق ویمکارینی پیشیرمک  
 ایچون جوارده بولنان باغلرده کی آصه کوتوکلرینی قازمه وقصا طوره ایله  
 چیقاروب طایبه لره کوتورورلر ایدی .  
 بیلریمسکز نه حالده ؟ . .

ییحاره افراد اوستلرنده ، باشلرنده قالمادینی وبناء علی ذلک صوغوغلک  
 شدتیه طوکمق صیره لرینه کلدیکی حالده ، برده همان لایتقطع دوام ایدن  
 سیس ویاغفورلر اوکیلی طوپراغی بالحق حانه قویه رق کزلز بر درجه یه  
 کتیرمسی وعلی الخصوص اومعهود دری چارقلرک دخی - صخته مضرندن قطع  
 نظر - هر آیاق آتشده قایمسیله حاملنی برقاق کره لر تپه طاقله ایدهرک چامورلره  
 بله مسی وبعضاً بر کره دوشولدیکی حالده قالدیرمق وتعبیر اصحله بالحقندن  
 قورتارلق اوزره برخیلی اوغراشلمسی کبی بیک مصیبت آراسنده ایدی .

یابومیانده دشمنك بومباردمانی نه یاپه لم ؟ . . اجرا ایدیلن بومباردمانده  
 کولله لر اکثریتله استحکاملری آشدقلرندن ودشمن آراقده راست کله محلله ره دخی  
 آتش اجرا ایتدیکنندن بوده مقصدی منعه یاردیم ایدر وبومصیبت اولکیلرینه  
 شدت وفوق العاده برده شت ویریر ایدی . بو قدر مشاق وحن ایله برابر  
 محاصره ده امتداد ایتدکجه ذاتاً مقتداری قلیل اولان ارزاق ومهمات کوندن کونه  
 تناقص ایدوب نهایت عسکرک تعیینات اکیله سی نصفی بقدای ونصف دیگر

قوڭوروز ، یعنی مصر بغدادی اونیه یاپیش یوز قرق درهمک بر اکهکله سکسان ونهات یوز درهمه قدر اوکوز ومانده آتیه منحصر قالدی که بو آت تعییناتی دخی پلونهیه قافله ایصال ایدن عربهلر حیواناتنک ذبحیه ویریلیرایدی .  
 بو حیوانات برخیلی وقت اردوی هایونک پلونهده قالدینی حالده آت تعیینات روزمره سنی ادارهیه کافی مقدارده ایدی سهده نه چاره که بونلرک جمع ورعی اولدقلری محللرده دکل ، دشمنک آتشی آلتنده بولنان اوزاق نقطه لرده دخی ییه جکلری بولنه مدیفندن آچقلقه اقتدار سزلقدن یومیه اوتوز قرق دانه سی تلف اوله رق مقدارلرینه نقصان عارض اولوردی .

لکن بولاشهلر نه اولدی بیلیرمیسکز ؟ . . ایشه بونلردن ده آچقلقدن اوله درجه سنی بولش اولان زواللی کلبلر استفاده ایدهرک پک چابوق یرلرنده یل آسردی .

بوراده دشمنک اوقدر آتشی ومدهش حالی قارشیسندنه محصورینک تعییناتلرینی فصل طبع ایتدیکنه مراق اولمازمی ؟ بوتعیینات عسکرک زمیندلکری انجروسندنه و غرضت بولدجه اوتده بریده متعدد فاصله لرله بر قاج نوبته واکثر اوقاتده یزی چیک اولدینی حالده قاینادیه بیلیرایدی .  
 تشکر اولنورکه خدمات عسکریه او حالده بولنان طعمایده زواللی افراده هضم ایتدیره رک صحتی اخلال الیزدی .

ویریلن بوتعیینات ، عسکرک آنجوق برنوبتی انچون اولوب صباح نوبتی انچون عسکر ابتدالرده بوله بیلدیکی مصرلری دشمن دانه لرینک انجریسندن چقان تیوردن معمول مدوردیکر بردانه ایله [\*] آزدکدن سوکره پیشیدکاری حالده آقشام طعمانی یتشدرینجهیه قدر بونکله اکتفا ایدرلردی . [۱]

بومضایقه معیشت هرکون سفالت عضویه یی بویوده بویوده آرتیور ، وبونکله برابر پلونه نك بازوی مقاومتی نه قیریایور ، نه اگیلوردی . ۹۹۷ صحیفه ک کتابک اکثر اوراقی بوجانخراش وبلند احوالک حامل حکایاتی در . توتونک براوقه سی اوچ عثمانی آلتونه ،

[\*] مؤلف کتاب بودانه لرله دشمنک مرملیرینه تلمیح ایدیور .

[۱] پلونه تاریخ حربی . مؤلفی طلعت بک . صحیفه : ۷۱۹ - ۷۱۴

شكرڭ يوزدرهمى ياريم ايرايه سانيليور . بونلر بالطبع ارباب يسارم .  
نصيب اوله بيله جك نعمتلردندر . افراد آصمه كوتوكلرينك قبوقلرينى .  
قيهرق توتون يرينه اچمكله اكتفا ايدييور .

بونلر صوك لقمه يى بولنجه يه قدر ثبات ايتديلر . نتيجه ايسه  
تسليم دكل ، خروج طرزنده تجلى ايتشدى . عثمان پاشا ياره لاش ،  
يونس بك شهيد اولمش ، الك گزیده امرا و افراد ايسه شوايكى برگذار  
غزادن برينى حامل : ياشهد ، يا مجروح . بوحالده ينه افراد آلنده كى  
تفكى و يرمامك و متهايداً دو كوشمك ايستيور .

هر آنى بر محشر بسالت اولان اودرت آيلق كيرودارك اعتقادجه الك  
بيوك لوحه حماسه تنى مير آلاى يونس بكك كندى طابيه سنده دشمن  
مرميسيله پاتلايان جبخانه عربهلرينك استعمال ناكوانيسندن متولد  
تلاش و هيچانى ازاله و دشمنك بوبادردن بالاستفاده آنى بر هجومه  
او موقعى اسقاط ايده بيلمسى امكاننى سلب ايجون ، يوكسك برسيله ويرديكى ،

### بطاريه ایله آتش !!! ...

قومانداسى تشكيل ايدر . سوزى وقعنهك شاهده و بو امر رعدينك  
سامعى اولان طلعت بكه براقيورم . طلعت بك دييوركه :

آغستوسك يكرمى سكرنجى بازار كوفى دخى سجرله برابر دشمن ينه  
جهات معلومه دن مواقع عثمانيه اوزرينه آتشه مباشرت و بزم طرفدن دخى  
مقابله ايله طرفين قورقونج بر صورتله طوپ آتشنه مداومت ايتديلر . مع هذا  
بوكون دشمنك پياده و سواريلرندن عبارت مفرزه لرى ينه « لوحه » يولى  
اوزندن كورينوب مذكور اوشوندول و بريستويچ قريه لريله ده اوتيه برويه  
سوق و تعبيه ايتمه باشلادينى حالده سكرز طابور قدر پياده سنى بالخاصه .

اوشوندول دره سنه ایندیردیکی یونس بك طایبه سندن کوریلوب اوزرلرینه طوب آتشی اجرا ودرحال کیفیت طرف مشیر اکرمییه باتلغراف عرض وایا اولندی . یوم مذکورک ساعت درت راده لرنده یونس بك طایبه سنده آره سپرلری آراسنده محفوظ بولنان طوب قپاقولرندن برینه دشمنک مقوس کولاه سی اصابتله اوچ قپاقولدن ایکسی برهوا اولاش وشو مصیبت سببیه جوار بولنان آره سپرلرینک پیاده قدمه لرنده تعیه اولمش ایکی بلوگدن الیدن متجاوز متول و مجروح وقوع بولمش وفقط عسا کر شاهانه شو مصیبت دخی صبر ایله ینه مقابله مقتضیه ایچون متبصرانه طاورائمشدر . هله بو طایبه ده قوماندان بولنان میرآلای یونس بك بو آنده کوستردیکی غیرت ، عقول بشرک حقیقه خارچنده برحرکتدرکه بونی شوراده بیان هم اثرمنک تریننه خدمت ، هم ده عسکر آرقداش لرمز ایچون بر درس عبرت اوله جفندن بروجه زیر عرضیه کسب مفخرت ایلرز :

بنده کز یونس بك طایبه سی کریسندنه نام عاجزییه منسوب طایبه ده بولنقده ودها بزم طرفده طوب محاربه سی هنوز باشلامادیفندن یالکز دشمنک اطرافده کی حرکتی ترصد ایلکده یونس بك طرفندن ویریلن امر وکوستریلن اشارت موجبجه ( قو ) نقطه سنده دشمن بطاریه لری اوزرینه طوب آتشی اجرا ایتدیرمکده ( چونکه بزم نقطه دن دشمنک مذکور نقطه سی کوریله مامکده ایدی ) ایکن یونس بك طایبه سنده بردن بره بردومان کوروب طرفه العین اجره برده برقاق بطاریه طوپک بردن اجرا ایتدیکی برآتشک صداسی کی بر صدا ایشیتدم . وجبخانه آتش آلدیفنی آکلادم . فقط درآن ( بطاریه ایله آتش ! ) صداسندن عبارت بر قوماندانک یونس بك طرفندن ویرلیدیکنی ایشیتدیکم کی مذکور طوپلرمنکده آتش ایتدکلرینی کوردیم . بوانشاده بعض ضابطان یاغده بولنیوردی . حرکتک اصل غرابتی وعقله حیرت ویرن جهتی یونس بك بوقوماندانی مصیبت واقعه نک تأثیراتندن سام بر محله بولمیه رق ویرمسیدر . باقیکز بو حرکتک صورتی میر مومی الیهک طایبه سنده بولنان ضابطانندن تحقیق اولمشدرکه شو صورتله بیان ایدیورلر :

دشمنک دانه سی قپاقولیه تصادفدن براز اولجه یونس بك قپاقولرک بولندیجه آره سپرینک پیاده قدمه سنده دشمنک احوالی وکندی

طوپچیلرینک صورت حرکتی امر ایدر اولدینی حالده دیگر جهت باقی اوزره بوله‌نک او برطرفنه کچمش و بو آنده مصیبت واقعه ظهوریله کنديسی طوپراق و قاقولوردن صاحیلان آربرلر آتنده قالمش ایدی که بویله برحاله کنديسی شاشیرمیوب بروجه معروض قوماندایی ویردی . [\*]

یونس بکک قانلر و دو مانلر آراسنده عسکرینه ویردیکی بو امر اوتوز بش سندهن بری پلونه‌نک افق ساکتنده اویویور . فقط بن حکمجه و ترقوس گولاری اوکنده عثمانلی سفائن حربیه‌سندن آتیلان طوبلری کیجه یاریلرندده ایشیدیر و دیگرلرکن ، یونس بکک صدای مرد و بلندی سمع خیالده طولاشیور و صانکه اودونمایه و اواردویه بطاریه ایله آتش !!! ...

امرینی ویریوردی .

---

[\*] پلونه تاریخ حربی ، مؤلفی طلعت بک . صحیفه : ۳۹۷ - ۳۹۴



## یونس بک

میرآلای یونس بک ۱۲۸۰ سنه هجریه سنده مکتب حربیه شاهانه دن  
نشئت ایتدی. ( مرآت مکتب حربیه ) ده شو صورتله مقیددر :

یونس افندی اسکدار - میرآلای - بو ذات محاربه مات اردوی . هایونلر  
ایچنده اوتادن بری ( یونس بک ) دیه شهرت شعار اولدینی کبی پلونه مناسبتیه  
نام با احترامی اجنبی تاریخنه بیله کچمشددر . دین و دولته و ولی نعمتمز پادشاهمن  
افندمن حضرتلرینه زیاده محب برعسکر تعالی پرور ایدی . محاسن اخلاقنه  
منظم اولان ذکاوت و فرط بسالتی حسیه پلونه معرکاسی امراسنک وبالخاصه  
غازی نامدار عثمان پاشا حضرتلرینک اک سودیکی و تدبیر و غیرت اک زیاده  
تقدیر ایتدیکی امرادن ایدی . کسب استحقاق ایتدیکی میرلوالق رتبه رفیععه سی  
غازی مشارالیه طرفندن موقع حربده کنديسنه تبشیر اولمش ایسه ده جناب  
رافه الدرجه اوعبد مجاهدی ایچون ده ها عالی درجات معنویه وعد واحضار  
بیورمش اولدرکه ( وید ) نه ری کنارنده براستحکامی ضبط ایدر ایکن  
رتبه فاخره شهادتی احراز ایلدی . خبر شهادتی پاشای مشارالیه حضرتلرینی  
بک چوق متأثر ایتدی . چونکه مشیمه قدردن کهوارده بسالته نادر کلن  
ارسلان یورکلی ، شجاعتی بر دلیر ایدی . شهید مشارالیه کول آغالنی زمانده  
( یمن ) ده کی بارقه شجاعتی یمن تاریخی صحیفه لرنده لمعان ایتکده و ( کرید ) ده کی  
فداکار قلری الاکن السنه پیرای شجمان اولمقده در . حتی کریدده حدت قهرمانی  
ومردانکی ایله تحصنکاه اعدایه تک باشنه هجوم ایددرک آنلری تارمار ایتک  
و کنديسنی تعقیب ایدن عسکره اسباب ظفری تأمین وتسليم ایلک کی خارق العاده

موفقیتلر آندن ظهور ایتشدر . کرچه دیگر مجاهدین عثمانیه نك علویتنه ديه جك  
یوق ایسه ده عالم دلیریده ( یونس بك ) آنلره متیس دکل ایدی . جناب  
رب غفور قبری نی نور واجدادینی منقور پیورسون .

( مرآت مکتب حریه ) تصحیفه : ۳۴۷-۳۴۵ : مؤلفی ، مکتب فنون حریه شاعانه  
اعدادیسى کتابت عسکریه  
معلمی قول آغامی نیکده لی

اسعد



## يونس بکک ترجمه حالی !

حيات آمتی ادامه يولنده ايتار حيات ايتمش اولانلرک بزدہ چوغی  
وپک چوغی ، ولوله تاريخدن حجاب واحتجاب ايدييورمش کبی ،  
مجهول ومنسی ، بارکاه سرمديدن نصيب موعودی آلمه شتاب ايدرلر .  
واولنلردن بوير يوزنده نه برنام ، نه بر نشان قالير !..

واقعا يونس بک اوقدر منسی واوقدر گمنام دکلدرد . يالکئز  
اسميله بر ملنک افق ياديني وياد شکراني املا ايدييور . بونکله برابر  
اوندن بزه قالان ، ابهام آلود برخاطرۀ ناکام وعنوانيله برلکده اوچ  
هجايي کچمين برنامدر .

بوآدم نرهدہ واصل طوغدی ؟ .. بيلمیورز . باباسی وعائلہسی  
حقندہ بوکونهقدر کيمسه صحيح بر خبر ويرمدی . آدينه ( اسکدارلی  
يونس بک ) ديرلرمش . فقط احتمال که ، مشهد و مدفنی کبی ، مولد  
وموطنی ده بر دکلدرد .

يونس بک مکتب حربيه طريقيه عدن سرمدي يه توّجه ايتهدن  
اول نلر يابدی ؟ .. بونی ده بيلمیورز . پلونهنک هانکی خاک غفرانه  
قارشدينی مجهولمز اولدینی کبی ، اسکدارک هانکی لانه معصومنده  
طوغمش اولدینی ده معلومز دکلدرد . ابتداده ، اتهاده وبوايکيسنی  
ربطايدين کونلرک مناقب مروری ده سراپاشک ايله ، ابهام ايله ملو !..

بو صحیفه لری تنظیم ایدرکن برچوق ذواته صورت مخصوصه ده  
مراجعت ایتدم سه ده آلدیغم جوابلرله حوزة جهلم کچولدی . بومیانده  
شاعر شهیر اسکدارلی طلعت بکده بر مکتوب یازده رق ، پلونه نك اشهر  
شه داسی حقنده دخی ( ربّ العلم ) اولوب اولمادیغنی صور مشدم . طلعت  
بك افندی مکتوبمه بر جوابنامه لطیف ایله مقابله ایتدی .  
دیورکه :

» ..... ایچنده کمنر لری ده داخل اولدیغنی هالده بو مملکتک  
خلقی مع التأسف نه امیانی بیلیر ، نه ده اعیانی طایفه . یونس بك پلونه نك  
اشهر شه داسی ، سیماسکدارك قهرمانه بر سیماسی ایکن حیات  
خصوصیه سنده فضله معلومه کنرم - عبدالجهرل - اولدیغیم کبی مراجعت  
ایتدیکنم ذوات ده - ربّ الجهرل - بیقری .

.....  
بنده بوسیلده ده بالاستفاده مرصوم مشارالیهك نوسه شه داسی  
شهادت ایتدیکنی طوبدیغیم وهنوز حیات ادیهنك دورهُ اولاننده  
بولندیغیم صیره ده معربنك ،

قرص خورشید دسیاسی رفت

یونس اندر دهان ماسی رفت

پننی اوقودیغیم کبی شیمی ده ،

ینه فیض عیمیم رحمت ایله

روحلندی اوسرور شهدا

روح یونس بکه سلام، سلام

روح الله روح ابد

نیازیه مشرهم مبارکنه فاعزرا مخاف ایدرم . باقی هوالله ..... ،

اوت ، آمنا !.. باقی اولان اللهدر . فقط اونک یولنده اولنلر  
فانیی اولسونلر ؟..

بیوک بر شهید ، ملتتک میدان مفاخرندن میال زوال بر کولکه  
کبی حکما ملی ، تاریخنده برظل ثابت قالمی در . او یله بر سایه مخلدکه  
صاحبک اڭ اینجه خطوط واشکالنی ارائه ایتسون . واوگنده قومنک  
چشم شکرانی ، تحس واستغراق ایله مشحون اولدینی حالده ،  
عصرلر کچیرسون !..



سَخَّاهِل



## شیخ شامل

نامنی همان هرکس بیلدیگی حالدە ، افعال و مجاهداتنک ماهیاتنه اکثر خواصک بیلە بیکانه بولندیگی بو بیوک مجاهده دائر بر قاچ سوز سویلنسه نابهنکام اولماز ظن ایدرز . مستقبلة سیفاً ، فکرأ ، قلمأ قهرمان یتشدیرمک ایچون کچمش قهرمانلر دائماً تخطر و دائماً تجیل اولملی در . نانکورلک افراددن زیاده اقوامک صحائف حیاتی کیرلتیر . نسیان ایسه کفرانلرک اڭ بیوکدر .

شیخ شامل محیطنک فیض و کرمه مظهر اولسهیدی ، بلکه آنیال قدر احراز شهرت ایدردی . بونگله برابر ( رومای هول ودهشتندن قورتاره لم ! ) سوزیله واختیاريله بروسه جوارنده حیاته ختام ویرمش اولان آنیاله ، قفقاسیه طاغرنده کی مجادلات مدیده نک خاطراتی روضه مطهره نک ایام حاره مجاورتنه نقل و دفن ایدن شیخ شامل قدر هیچ بر قهرمان بگزە مامشدر . آنیال قدر شیخ شامل ده ملتی و وطنی ایچون چالشدی . قفقاسیه نک هم آغوش سحاب اولان طاغلرنده اوتوز سنه لک قسمی شیخ شاملک بالذات اداره ایتمش اولدیگی مجاهدات قهرمانانه بر هزیمت پرشان ایله ختامه ایردیگی زمان بو مجاهدک عزم و همتی یورولماش ، یالگز مملکتنک مادی و معنوی هر قوتی ، هر یارای تحمل و مقاومتی ازلش ، قیرلش ، بیتمشدی . روسلر قفقاسیه نک ضبطی اتمام ایچون دنیاده نه قدر وحشت و مظالم موجود

و قابل ایسه هېسنى ، انسانیتك و تاریخك كوزى اوڭندم .  
 ارتكاب ایتكدن نه چكندیلر ، نه اوتاندیلر . شیخ شاملی استیانه  
 مجبور ایتك ایچون اُكینلری یاقارلر ، سورولری ضبط ایدرلر ،  
 کویلری ییقارلر ، قادین ، ارکك ، اختیار ، چوجوق نه قدر قفقاسیالی  
 بولورلرسه هېسنى قایچدن کچیرلردی . بونکله برابر قفقاسیالیلر ثبات  
 ایتدیلر . شیخ شاملدن اول اعلان ایدلمش اولان جهاد اکبر ، روسیه نك  
 اون قول اردوسنى تام قرق سکز سنه خیرپالادی طوردى . اقوام  
 مغلوبه نك پك آزی قفقاسیه کبی بر عاقبت ذی شان و پر شرف  
 کوستره بیایر .

روسلر عصر سابقده ایران ایله دولت عثمانیه یه قارشى احراز  
 ایتدکاری غلبات عدیده اوزرینه جبال قفقاسك شمال وجنوبنده کی  
 محللری ید تسخیره کچیرمشلر و بو طاغلری الك طار نقطه سنده  
 قطع ایدن ولادیقفقاس کچدینه صاحب اولمشلردی . فقط  
 ولادیقفقاسك شرق وغربنده کائن و بر طرفدن بحر حزره ، دیگر  
 طرفدن قره دکیزه قدر تمتد اولان جبال ایله یوکسك وادیلرده ، او  
 وقته قدر هیچ بر قدرت غالبیه بویون اکامش اولان بعض قبائل  
 ساکن بولموردی . بو قبیلهلردن چرکسلر ، قفقاسیانك قره دکیزه  
 طوغری اولان قسمنده ولزکی ایله چچنلر ، بحر حزر طرفنده ساکن  
 ایدی . کرک چرکس ، کرک لزکی وچچنلر عمومیتله عرق ایضه منسوب  
 و مسلماندرلر . روسلرک حین استیلا سنده چرکسلرک مقداری اوچ ،  
 درت یوز بیك ولزکیلرله چچنلرک عددی سکز یوز بیك قدر تخمین  
 اولموردی .

فرانسه مشاهیر ادباسندن برناردن دوسن پیه ( حریت دائما

طاغلرده اقامتکیزین در) دیور . بر چوق امثال و مشهودات ایله تأیید  
ایدن بو حقیقه دنیاده هیچ بر سلسلهٔ عالیه نك اولاد کرد نفرای  
قفقاسیه نك جسور خلقی قدر قوتلی بر نشانهٔ تأیید ابراز ایده مامش ،  
هیچ بر طاغث هیچ بر قبیله سی الی مثلنی متجازز و منتظم بر قدرت  
قاهره قارشینده الی سنه یه یاقین بر عزم و ثبات نامغلوب کو ستره مامشدر .  
(نا مغلوب) دیدك . اوت ، محو اولمق ، مغلوب اولمق دكلدر .  
صوڭ قوتی صرف ایتدکن صوڭره دوشنر ، مملکتلرینك طوپراغندن  
تاریخنه انتقال ایدرلر . تاریخ ایسه قهرمانلقلرک اڭ بیوکنی صوڭ  
نفسنده کو سترمش اولان اقوامك توطنکاه ابدیسیدر .  
قفقاسیه دلاورلری ، (آول) تسمیه ایتدکلری اداره لری مستقل  
وسکنه سی اکثریا یکدیکیلره محارب قلاع مستحکمه ده یاشارلردی .  
دین اسلام بونلری توحید ایله بطش و قوتلرینی تزید ایتدی .  
قفقاسیه اهالیسی ، همحدود اهالی اسلامیه نك مذهبلینه سالک  
اوله رق سنّی اولان قسمی خلفای عثمانیه یی ، شیعی طاقمی ده ایران  
شاهلرینی مقتدا اتخاذا ایتمشلردی . فقط روسیه نك ایران ایله ۱۸۲۸  
تاریخنده عقد ایتدیکی (ترکمن چای) و دولت عثمانیه ایله ۱۸۲۹  
سنه سنده تنظیم ایتدیکی ادرنه معاهدات غالبانه سی شوایکی دولت اسلامیه نك  
قفقاسیه قطعه سیله اقوامندن بسبتون کف ید ایتلرینی ایجاب ایتدی .  
چرکسارله لژکیلر ، سنّی ، شیعی ، بالعموم ارباب توحیدی اتحاد  
وجهاده دعوت ایدن مشایخك مواعظ و تلقیناتی حسن تلقی ایلورلردی .  
قیامك اڭ دهشتلیسی طاغستانده وقوعه کلدی . ۱۸۳۰ ده طاغستان  
محارباتی غازی ملا اداره ایدیوردی . ایکی سنه لك مجادلات قهرمانانه دن  
صوڭره ، روسلر غازی ملای اسیر و شهید ایتدکلرندن زمام جهادی



— غازی ملانك اسارت و شهادتی صره سنده مجروح اوله رق بوهنگامه دن  
محیر العقول صورته تخلیص حیات و حریت ایتش اولان — مریدی  
شیخ شامل ید اقتدار و بسالته آلدی .

شیخ شامل طاغستانك لزی قبیله سنه منسوب ایدی . ۱۷۹۷ سنه  
میلادی سنده شیمری قصبه سنده دنیا یه كلش و بالاخره قائم پدری اولان  
ملا جمال الدینك حجره تعلیم و تربیتده پرورش یاب اولمشدر . شیخ  
شاملك دور نشتی ، مشایخك قفقاسیه خلقی روسلر علیه ده جهاده  
سوق و تشویق ایتدكری زمانه تصادف ایتمشدی . شیخ شامل قائم پدرینه  
خلف اولدق دن صوكره ، یعنی ۱۸۳۱ سنه سندن اعتباراً روس مستولیرینه  
قارشی استعمال سلاحه باشلادی . و شیمری یی مدافعه ایدر كن یاره لاندی .  
شیخ شاملك توالی ایدن غلبات خوار قما یانه سی یالكنز قفقاسیه یی و یالكنز  
ممالك اسلامیه یی دكل ، بالعموم جهانی حیران ایدیوردی . پارسده احباب  
شعر و ادب شیخ شامل نامنه اثرلر ترتیب ایتكدده و تشهر كاه نفایس  
و معالی اولان تماشاخانه لر بو اثرلری عمومك انظار تقدیر و رغبتنه  
عرض ایلكدده ایدی . آرتق قفقاسیه ده مقصد ملی یی شیخ شاملدن  
بشقه مدافعه ایده بیله جك كیمسه قالمامشدی . شیخ شامل ماورای  
قفقاسده کی قبائلك رئیس روحانی و سیاسی اعلان اولندی . و ۱۸۴۳  
سنه سنده [ آوار ] قطعه سنی سراپا ضبط ایدر ك اداره ملكیه و مالییه یی  
تنظیم ایله مركز اداره یی ( دارغو ) قصبه سنه نقل ایتدی .

۱۸۴۶ ده ( ترهك ) نهرینك یوقاری قسمی ضبط ایتش ایه ده  
محافظه ایله مامشدی . روسلر قفقاسیه یی محاربات منتظمه ایله تسخیر  
ایده میه جك کرینی آكلادق لرندن ، تخریب ایتك صورتیه آله كچیرمك

ایستدیلر ، دهاطوغروسی هر یرده ، دائماً تطبیق ایتدکلری ظلم و شدت قواعدینی بوراده برقات دها توسیع و تشدید ایتدیلر .

قریم محاربه سی اثناسنده شیخ شامل بعضی موقوفیات احراز ایدهرک ( قاشکی ) یه تجاوزله تفایس جوارلرینه قدر ایلریشدی . فقط روسیه ایله مخاصم اولان دولتلرک دارالحرکاتی ، کندی جولانکاهندن اوزاق بولندینی و یا بو طر فلردن لائق و لازم اولدینی درجه لرده معاونت کوره مدیکی ایچونمی ، هر نه دن سه ، دشمن مشترکی دها زیاده اضرار ایدهبیله جک بر حرکت متّحده اجرا اولنه مادی .

قریم محاربه سندن صوگره شیخ شاملک بازوی مقاومتی تزلزلنمون اولمغه باشلامق له برابر ، ینه بسبتون قیریه میور و موسقوف اردولرینی یکریمی بش سندهن بری عقبه دن عقبه یه دوشوردیکی او کوهسار منیع ایچنده روسلری متهادیاً یوریوردی . حتی آوولک برنده اسیردوشمسنه رمق قالمشکن برکوره دها - وینه محیرالقول صورتده - قورتلشدر . بوصیره ده اسیرایدلمش اولان برمخدومی ، طاغستانیلرک اسارتنده بولنان ایکی کرجی پرنسی فدیة نجات ویرلمک صورتیه موسقوفلرک آلدن قورتارلدی .

شیخ شامل تضییقه دوچار اولدقجه مدافعه وطنه تعلّق ایدن عزم متیننی تزید ایدیوردی . هله روسلرک تعقیبندن ایکنجی دفعه اوله رق خارق العاده بر موفقیتله تخلیص حیات و حریت ایتسی ایمان جهادینی تقویه ایتشدی .

شیخ شامل ( تره ) نهرینک منابعه طوغری ایلرلیدیکی زمانلرک برنده ولادیقفقاس کچیدینی بسبتون سد ایدهرک ، هنوز روسلرک ربقه

تابعیتہ تنزیل رقبات ایتماش اولان چرکسلرله توحید قوی و حرکات ایتمک ایستدی ایسه ده طاغستان خارچنده ثبات ایده مدی .

قریم محاربه سی سبیلہ تحدّث ایدن غوائل مندفع و پارس معاہدہ سی منعقد اولدقدن صوگرہ حرکاتندہ آزادہ قیود قالان روسیہ حکومتی جنرال ( بارانسکی ) و ( ہودوکیوو ) قوماندالریله قفقاسیہ قوای جدیدہ امدادیہ کوندردی .

شیخ شامل حضرتلری بویگی اردولرہ قارشیده بی قید و پر عزم مقاومت ایدیوروبو مقاومت تمادی ایتدیکجه روسلرک غیظ و شدّتی آتیوردی . موسقوفلر نہایت چلدیرمش کی بر حالہ کلہ رک ، بر حرب استیصالہ باغلا دیلر . انہ بیطرف اجنبی تاریخلرینک شہادتیلہ ثابتدرکہ بوسیرده روسلر طرفندن ارتکاب اولنماق هیچ بر ظلم و وحشت قالماشدر . موسقوفلرجه مقصد اصلی شیخ شاملی فقدان عسا کر و ذخائر سبیلہ مجبور استیمان ایتمک ایدی . مع مافیہ شیخ شامل ۱۸۵۹ سنہ سنہ قدر ثبات ایتدی کہ بونک عینی تاریخ اقوام هیچ بر زمان و مکانده کوستره مز .

وقیلہ شیخ شاملہ مساعد اولان احوال موقعیہ ، وطنی دشمنک استیلای تدریجیسنہ دوچار اولدیکجه ، علیہہ دونیوردی . ید بسالتندہ کی مواقع مستحکمہ - بالطبع درون و پیرامنی شہدا و مقتولین جنازہ لریلہ ملو اولدینی حالده - برر بر دشمن ائنه کچدی . ہر فلاکت و سقوط عقبندہ آدملرندن بعضیسی گندیسندن افتراق و بر طاقی ده دشمن طرفنہ التحاق ایدیوردی . شیخ شامل انہ صوگرہ [ غونیب ] استحکامنہ چکلدی . ۱۸۵۹ سنہ سی تشرین اولنک آلتنجی کونی ، قفقاسیہ ناک استقبالنہ برستردہ مؤبدہ ماتم اولمغہ لائق اولان کیف بر سیسندن

روسىر بالاستفاده بو قهرمانى صوڭ تحصنكاه جالادت پناهى اولان استحكام داخلنده در دست ايدەرك پترسبورغه كوندرديلر.

چار ايكنجى آلكساندر ، شيخ شامله فوق العاده حسن معامله ايدەرك، سنوى اون بيك روبله تخصیصات ايله قالوغهده اسكان ايتدى. وبالاخره (كيهف) شەرىنه نقل اولندى . قفقاسيهدهكى مجاهدات مديدەنڭ خاطراتى بومضيق غربتده تنفس ايدەميور، بوغوليووردى. اوياد علوىيى ، حضور سرمدينك عتبه اسلام مطافى اولان بيت اللهك ئەشيكەنه وضع ايتمك ايچون - استحصال ايتدىكى مساعده اوزرينه - مکه مكرمەيه عزيمت ايتدى . واورادن مدينه منورهيه انتقال ايدەرك عثمانلى - روس محاربهسنگ تحدىشدن اوچ سنه اول، يعنى ۱۸۷۴ سنه - سنده، صوڭ نكاه عشقنى خوابگاه محمدىيه ركز ايله جدالكاه عالمه وداع ايلدى .

شيخ شامل حضرتلرينك اسارتنى متعاقب مخاديمندن برى روس اردوسنه ، ديكري، غازى محمد پاشا ، عثمانلى خدمت عسكريهسنه داخل اولمشدى . ۱۲۹۳ - سفرنده غازى محمد پاشا خارق العاده يرارلق كوستەرك ، ( نيم الاب ! ) نعت تەكريمينه ( نيم الولد ! ) وصف محققى علاوه ايتدى .

\*

\*\*

روسىلرك استيلاسنى متعاقب چركس وچچنلرك بر قسمى ممالك . عثمانيهيه هجرت ايتمك ايسستديلر . ولايات سائردهه متوطن اولانلرك احوال وعواقبنى بيلمم . فقط ، شيمدى زورسنجاغنه مضاف بولنان،

رأس العین قضا سنده اقلیم وموسمك شدائدينه توديع اولنان بو  
 بچاره لرك كويلرندن اول قبرستانلری تشكىل ايتدی . ماجرای سفالت  
 وفلاكتلرينك داستان دلخراشی حالا الجزیره بیابانلرنده آغزندن آغزه  
 وبطندن بطنه انتقال ایتكده در.

\*  
 \* \*

بو پریشان سطرلرله اوقهرمان ابدنامك نه وقایعنی تصویر  
 ایتك املمدر ، نه سیای ماهیتنی ترسیم ایتك حدم . شیخ شاملك  
 گذارش حیاتی حقتده معلومات مفصله یه مالك اولانلر، بیلدكلرینی قید  
 ونشر ایدرلرسه هم وقایعنامه اسلامه، هم تاریخ اقوامه خدمت ایتمش  
 اولورلر . شیخ شامل کبی بیوك بر آدمك نامنه بویه ناقص برقچ سطر  
 یازمق کفایت ایتمز . جلدلرله کتابلر یازملی، یوزلرله آبدلر تأسیس  
 اولملی در .

### شیخ شامله عائد مناقبدن :

شیخ شاملله برابر اسیر دوشن اقباسندن برنجی فریق طاغستانی  
 محمد فاضل پاشادن ایشیتدم : ولی عهد بولنان اوچنجی علیکساندرک  
 — که شیمدیکی چار ایکنجی نيقولانك پدریدر — مراسم ازدواجنده  
 شیخ شاملده مدعو حاضر وسفرده بر موقع ممتازه قاعد اولور .  
 چار ایکنجی آلکساندر الك زیاده بو مهمان قهرمانه بذل التفات  
 ایدرک ،



— بویله مسعود بر گوننده سزك كې بیوك بر آدمی مسافرم  
کورمکه مفتخرم .

دیمش . وشیخده اوضاع متواضعانه ایله درحال ،  
— اکر ذات حشمتلری اسیرم و مسافرم اولسه لردی بن دها  
زیاده افتخار ایدردم !..  
جوانی ویرهك عدو تاجدارینه عزم و متانتك بر اثرینی دها  
کوسترمش .  
رحمه الله .



ایمان پرست



## سليمان پاشا

سلطان اورخانك نجل نجيبى سليمان پاشا دن بشقه واوندن صوگره اسمى عثمانلى اولادينك حافظه تجيلنه بنان شكران ايله حك اولمغه لائق بر سليمان پاشا دها واردر. معارف وحيت مليه مزك اولياى نعمدن اولان بوعالم وفداكار تركه بر قسم معاصريني بك چوق فنالق ايتمشدى. قورقارم كه اخلاف ده كفران نسيانيله اومظالم مثبته وفانيه، فقط منفي فقط مؤبد صورتده، اشتراك ايتسون ! . . .

سليمان حسنى پاشا، بيك ايكي يوز اللى درت سنه هجريه سنده استانبولده تولد ايتمشدر. جدى قسطنطينى ولايتندن كلكشدى. مكتب حربيه دن ۱۲۷۶ سنه سنده نشئنى متعاقب بوسنه وهرسكله گريد ويمن وسائر كې مختلف محالرده موقت، فقط مهم خدمتله كوندردلكدن صوگره ابتدا معلمك، بالاخره ناظرلقه مكتب حربيه شاهانه يه مأمور اولدى. بوصيره ده مملكتتمزك حيات عرفانه خدمتى فوق العاده در. (مبانى الانشا) سيله تاريخ عموميسنى اوزمانلرده ابداع ايتدى. بزده ادبياتك ايلك مدونى، تعبير صحيح وصریح ايله ايلك استاد ادبىز اولق شرفى سليمان پاشايه توجه ايدر. مكاتب رشديه عسكريه يي، اوزون سنه لر مملكتك حياض عرفانه برر ميزاب فياض اوله بيله حك صورتده تنسيق وتنظيم ايتدكدن لشقه، دارالشفقه يي تأسيس ايدن اصحاب حسنه هم مصارف تأسيسيه اشتراك، هم كتب

درسیه نځ بر قسمنی تألیف ایدرک حق تمثیلله بر لکده مکتبه اهدا ایتک صورتیه الځجدي معاوناتی ابدال ایتدی. ومدت مدیده منتظماً بلا اجرت درس ویردی.

خاقان سابقک جلوسنی متعاقب صرب قیامنی تسکینه مأمور اولان اردوی هایونه فرقه قوماندانلیه داخل اوله رق عصاتک، موسقوف یدیه اداره و تقویه اولنان بازوی مقاومته ضربات کاسره ایندیرنلرک بری سلیمان پاشادر. صربستاندن صوگره وغازی احمد مختار پاشانک هر سکنده کی مغلوبیت مؤلّمه سنی متعاقب مشیر لکله قره طاغ عصیاتی اظفایه کوندریله رک، بوسفرده، مثلاً (اوستروغ) بوغازینی بر حمله ده کچمک کی تاریخ عسکرینک اوزمانه قدر اهمیته قید ایتدیکی وقایع میاننده مستحقّ تعداد اولان مائر درایت و بسالت کوستردی.

۹۳ محاربه سی اعلان اولندیگی گون سلیمان پاشا قره طاغیلرک مقرر شقواتی اولان چتینه یه مظفراً داخل اولمق اوزره ایدی. فقط روم ایلی اهمیّت فائقه کسب ایتمش اولدیغندن بو طرفه جلب اولندی. واسکی زغره جوارینه قدر زحمتسزجه ایلریش اولان روسلره ایلك ضربه یی ایندیردی. سلیمان پاشا طونه باش قوماندانلغنده بولندیگی مدّتجه ألدنه کی وسائط جنک وجدالک مساعد اولدیگی هر همّتی فدا کارانه ابدال و ممکن اولان هر موفقیتی ماهرانه استحصال ایدرک ترکک طوپراغیله تاریخی عین عزم مردانه ایله مدافعه ایتشدر. فقط افکار سیاسییه سی اکابر دورک تمایلات ذاتیه سنه توافق ایتدیکندن وجودینی هر نه صورتله اولورسه اولسون ازاله و یا هیچ اولمازسه مرکز سلطنتدن تبعید ایتک - سلامت شخصیه نجات عمومیدن زیاده حرمتکار اولان - خصمانجه اخصّ آمال اولمشدی. بومقصد خدمت



ایده بیله جک بردعوی ایجاد و بردیوان حرب اعداد ایتدیلر. زواللی  
 سلیمان پاشا ، بلاغت مفظوره و مکسوبه سنی تقویه ایدن او قدر حقایق  
 مبرهنه بی بی محابا چیکنین بو محکمه نك- حتی حکمدار زمان طرفدن بیله  
 مستحق تعدیل کوریلن - قرار بیله بغداده کوندر یلیوردی . او شانلی  
 حیات علمیه و عسکریه سنك مکافات معکوسه سنی تحرّی به مأمور اولدیغی  
 عراق چوللر نده اون درت سنه لك احتضار آلود بر دور اغتراب  
 کچیردکن صوکره سکون بقادن نصیب حضور آرامغه کیتدی .

بغدادده کی قبر وضعنده او قومق اوزره ، بش سنه اول ترتیب  
 ایدلمش بر نطقك بر مبخیله خاتمه سنی ، حقنده کی اسنادلرك ماهیتنی ارا نه  
 مقصد بیله عیناً بو صحیفه لره نقل ایدیورم :

..... اسکی زغره دن صوکره صحنه تاریخه قانلی شبقه کلدی .  
 حسابات ریاضیه دائماً حسیات والهاماتك فوقده بر موقعه تحکّم  
 ایدر . فقط حس والهامك دائماً کندی نه مخصوص بیوکلکاری واردر که  
 بونلره هیچ بر حساب ، هیچ بر معادله ، هیچ بر دستور مداخله ایده مز .  
 شبقه محاربه لرینه قانلی بر معرکه ، بر مذبحه ، نه دیر سه گز دیگیز ،  
 عثمانلی غیرت و جلاد تیله شبقه قیالری ایکی عنصر متهور کی طول مدت  
 چارپشدی . بو مصادمه نك طراّقه قیامتخیزی صاخ اعصار دائماً  
 ایشیده جك و دیکلیه جکدر . شبقه ده اولنلر ، بو عالمده اولومدن ده  
 مدّش ودها صائل برشی موجود اولدیغنی اثبات ایتدیلر . اولومدن  
 ده مدّش ودها صولتکار اولان اوشی ، ترك جلادتی ، عثمانلی  
 قهرمانلغیدر . سلیمان پاشا اردوسنی شبقه ده تعیه ایدرکن خطامی ایتدی ،

اصابتی ایتدی ؛ اتخاذ اوانه جق خط دیگر حرکت وارمیدی ، یوقیدی ؟ بونی بنم کی عسکر لکی حساً تقدیس ایتمکن بشقه قواعد حرب ایله مناسبی اولیان بر آدم ، تعبیر معروف و ملیسیله ( بر باشی بوزوق ) تعیین ایدمهز . فقط بوهر کسجه محققدر که سلیمان پاشا شبقه ده عزم و غیرتک اڭ متین آثار ایله محبت وطنیه سنک اڭ ناقابل اعتراض دلانلی کو ستر مشدر .

شبقه نك قاتلی بر سقوط اولسی تاریخمژک بوصیفه معظه سندن بیوکلکی سلب ایدمهز . زاماء آبیال ایچون بر مغلوبیت ، واترلو ، بیوک ناپولئون ایچون براضمحلال ، پلونه ، عثمان پاشا ایچون بر سقوط اولمشدی . فقط امکانسز قلر اوڭنده بیله ضعف و عجز کو ستر مکه تنزل ایتمکسزین - تعبیری معذور کوریکز - احراز رتبه مغلوبیت ایتمش اولان بو قوماندانلر ، ملترینک و تاریخک تحیل مؤبدینه تأمین لیاقت ایتدیلر . سلیمان پاشانک شخص مظلومه ایستین ایستدیکي قدر تعرض ایتسون ، فقط شبقه ده کی مهالکی ، اجلی ، اولومی طوقاتلامش اولان قهرمانلره و اوقهرمانلرک قهرمان قوماندانه تعریض ایتک امته و تاریخه حقارتدر .


برلین قونفره سنده روسیه نك مرخصی اولان مشهور شووالوف ، سلسله مذاکره شبقه نك تعیین موقعنه کلدیکی زمان ، دشمنلکنی ، موسقوفلغنی ، روس مرخصلغنی ، حاصلی انسانلقدن بشقه هرشی و هرشیئی اونوده رق ( اوراده اولن افراد شجاعت نهادک کیمکلریله بیاضلانمش اولان ) شبقه نك ( بیطرف بر قبرستان عظمت نشان ) حالنه قولمسنی وجد و هیجان ایله تکلیف ایتمشدی . (\*)

(\*) قوس ایچنده کی کلمات عیناً شووالونک سوزلرنددر .

سليمان پاشانك منقذرلى ، يالگىز عبدالحميدك ديوان حربىندن  
دكل ، مكر دشمنك مرخصلىرىن ده بى امان ايمش !



.... بغداد بومهمان مؤبد ومعز زينه الى الابد تعظيم ايتسون.  
اونك بىك صرصر فلاكتله بو اوزاق واديلره آتيلان وبو اوزاق  
واديلرده بىك ضربه اذيتله قيريلان حيات بىكسنىك اوستنده تترين  
روحى سكونه ، اهتمامه ، نوازشه محتاجدر. بوقبرك حضورنده غرضلر  
حجاب ايله صوصه رق دائما انصاف ، دائما حميت ، دائما تقدير ، دائما  
تجليل سويللى در. بوقبر ، خاطره حريتك صيق صيق مطافى اولمغه  
لائق ومقدس برمحدر. دنيانك انظام براستىدادى ، ملتك الكيوك  
واك فداكار اميدلىرىن برىنى بوراده بوغدى . استقبال نه قدر مرغه  
ونه قدر آزاده غوائل اولورسه اولسون ، آره صيره بوقبرك اوگنه كلهرك  
بدل مسعدتنى حساب ايله شكر گذارانه دعا ايتكى اونوتمايلى در .  
بومزار بر جسم ميتى حياتك نظر استقالدن تبعيدايدين برحفره عاديه  
دكل در ؛ بوراده بر عمر مؤبد مدفون بولنيور . دور سابقك قانلى الى  
مملكتك هر طرفه وهر طرفه بويله بيكلرجه ، يوز بيكلرجه شهيد  
جنازه سى سرپدى . بوكون بيرلرينك مزارندن اولنره بر سلام شكران  
واحترام كوندرملى ز. ودائما متدارانه تحظر ايتملى زكه مدحت پاشانك  
طائفه كى مشهد بلنديله سليمان پاشانك بوراده كى مرقد قدسيتمدى ،  
نيشيلده كى حرّيت ابديه تپه سنه منتهى سلسله حميتك بر معظم شاهقه سيدر .





ایچی کرہ شہید





## ایکی کرہ شہید

استانبوللہ اسکندریہ آراسندہ کی مسافہ دورادوری طیّارہ لرلہ برآ  
قطع ایتمکہ تشبث ایدن عز مکار و جلا دشعار اولاد و طندن فتحی  
و صادق بکمر شام ایله قدس آراسندہ و طبریہ قربندہ سقوط ایدہ رک  
مطیّہ ہوائیہ لری پارچہ لائش و روح گزینلری دہ - برآز اول جسمانیت  
مبارکہ لرینک دوران و طیران ایتدیکی - سہارہ واللّٰہ طوغری شہر  
کشای اعتلا اولمش ! . . .

بوگون بر ترک ، بر مسلمان ، بر عثمانلی ، حتی بر یابانچی تصوّر  
ایدیله مزکہ بولوحہ بلند اوکندہ گریہ نثار تأسف اولماسون . بعض وقایع  
وارد رکہ قہرمانلرینی یالکز بر قومک حوصلہ مباهاتی استیعاب ایدہ مزہ .  
اونلر ، قریب و بعید ، ہر قومک و بالعموم انسانیتک مدار افتخاریدر لر .  
فقط بز اوقرہ خبرلہ ژنکدار ماتم اولان کوکلر مزردہ و کوزلر مزک  
قطرات تلّہفی آراسندہ دہابیوک و دہا خصوصی بر شعلہ غرور  
و وقارک التماع متوالیہ سنی کوریورز . ہم وطن ، ہم فن ایچون  
برآندہ ایکی کرہ شہید اولان بوابد - زندہ قان و طوپراق قاردشلر مزک  
خاطرہ لرینہ الی الابد حرمت اولسون ! . .

منسوب بولندقلری عرقک افرادی آراسندہ اولوملرک اکیوکسی  
و - بوتعبیری احترام ایله تلقی ایدک - اکی لایموتیلہ ٹولہ بیلہ جک آدملر  
بولندیغنی شوایکی ترک اوغلی - برعروج متوالی اولان - بو سقوط  
متعالی ایله نہ کوزل اثبات ایتدیلر ! . .

دها گچن سنه بزی چورومش ، سونمش ، بیتمش اعلان ایدن غافل  
 شرقایله متغافل غربک ظنون ومدعیاتی تکذیب ایچون، صلاح الدین  
 ایوبینک مرقد مبارکیله حضرت مسیحک مولد مقدسی آراسنده  
 حیاتلرینی هوا وسمالره صاوران شوایکی قهرمان عثمانلی ، روزکارلرک  
 کیفه مغلوب اولمقدن زیاده ، کندی عزم و اراده لرینک مجلوبی عد  
 اولنسه بجادر . زمان ایله موقعی بوقدر حسن تألیف ایدن تصادفده کی  
 اللهک اراده ازیله سنی گورمامک ایچون گوزدن و وجداندن محروم  
 اولمق کفایت ایتمز .

بوگون جنازه لری حضورنده برملت آغلایان فتحی ایله صادق ،  
 آلتی یوز سنه ظرفنده وطن ایچون متمادیاً ویردیکمز قربانلرک نصل  
 برنجیسی دکلسه لر ، بوندن بویله فن ومعرفت نامنه اهدا ایده جکمز  
 شهیدلرکده اوایله صوکنجیسی اولمیه جقلردر . مقاصد علویه یه طوغری  
 جان نثار اولمق حسنک بزده ئولمک دکل ، حتی او یوشامش و او یومامش  
 اولدیغنه بوماجراده بز دلیل و برسد اولسون ! . .

وہاں دنیا بھٹک گئی بزمزدی



## قرنی ہفت

(قرنی) ویس القرنیدن مرتخدر. کرد عشایری آراسنده بو نام ایله موسوم اولانلره صیق صیق تصادف اولنور. بوراده منقبه حماسی مسطور اولان قرنی بك، موصل ولایتك حدود ایرانیه ملاصق قسمنده متمکن (منگور) عشرتنك رئیس (بایز) پاشانك اوغلی در. حرب اخیرك اعلاننده، دها اول ایرانك آذربایجان ایالتی عسکرله طوتمش اولان روسلرك موصل ولایتیه تجاوزینی منع ایچون بر قوه سفریه ترتیب اولنش و بایز پاشاده اولاد و اتباعیله بو هیئته التحاق ایتمشدی. ایرانك صاوجبولاق قصبهسیله رومیه گولی آراسنده کائن (سلدوز) موقعنده آتلیلرمن بر موسقوف سواری آلاینه تصادف ایدهرك شدتلی بر مصادمه یه باشلادیلر. آلتی ساعت دوام ایدن بوقانلی محاربه اوراده کی روسلرك اضمحلال تامیله نهایت بولمش و فقط بایز پاشانك اون درت یاشنده کی اوغلی قرنی بك کوستردیکی خارق العاده قهرمانلقلرك بدلی اوله رق یدی یرندن یارالانمشدی. باشندن آلمش اولدینی بر جریحه او جوانمردك جوانمرك اولمسنده سبب اولدی. باباسی موصل ولایتیه یازدینی بر تلغراقامه جوابیده اوغلنك ماجرای شهادتی شو ساده، فقط علویت صمیمیه بی مثل و بی نظیر سوزلرله حکایه ای دیوردی :

[ او غلم صبی قرنی، سلدوز محاربه سننده کندی آلیله اولدیردیکی موسقوفلردن آلدینی یاردهلر پادشاهمزه قربان

[اولدی. ان شاءاه دیکر اوغلارمله بنده خلیفه من یولنه قریباً  
فدای جان ایدرز. ]

عثمانلی اوغل و بابالری بو اوغلله بابایی هیچ بر زمان اونو تمامی درلر.  
کوزلرمک قطرات حزن و افتخاریله ایصلانان بر قاق سطرله او زمان  
وقعه یی شو یولده اعلان ایتیش ، دیمشدم که :



## قدما نر تاريخنك يكي بر نامر دي

سلدوز محاربه سنده اظهار ايتديكي خوارق جلادتكارانه، رسمي بياننامه ايله اعلان اولنان منگور عشيرتي رئيسي باير پاشا زاده قرني بك، يادگار غزا اوله زق، آلديني جريحه لرك دلايله منصب بلند شهادتي ده احراز ايتمش. صوك رسمي تلغرافنامه لرك سمع تاثيره ذوكديكي بو پيام سياه بزي بك چوق متأسف ايتدي.

تأسفمز، بويه بر نادره بسالت و حيتك دين و دولته ده ازياده امكانياب خدمت اولمه دن رب كريمه رجوع ايتسندن متحصصدر. يوقسه الله و پادشاه يولنده جان نثار اولمه نك ذوق و شرفني، كندي آلي و خنجريله اولديرديكي اوج موسقوف سواريسنك جاننه بدل، يدي قلنج ياره سي آلق و بو ياره لرله تولاك صورتيه عالمه كوسترمش اولان بر عثمانلي اوغلنك نام محمديني سجل شهدامره قيدايتمكه وجدانا مباهي يز.

مشاهير ابدان برينك (نجيب طوغان ارواح گزيده، مزياتي اظهار ايچون سنه لرك مقتدر اعاتي دكل در.) مألده منظوم بر سوزي واردر. [\*] سماوي بر شمشك كبي افق حادثاتده يالكز بر كره كوروندكن صوكره ازلدن ابده انتقال ايتمش اولان قرني بك عمر قصير و معصومي قدر هيچ بر شي بو كلامه حجت توثيق اوله ماز.

[\*] Je suis jeune, il est vrai, mais aux âmes bien nées,

La valeur n'attend pas le nombre des années.

اوبی مرادك اون درت سنهك موجودیت صافیه سی ، وظیفه دینه  
 و ملیتهك قدسیتی بو درجه لرده ادراك و تقدیر ایتمه مساعد بر  
 محیط داخلنده گذران اولامشدی . فقط گورولورکه قهرمانلر  
 تاریخك اهتم و شفقتله قید ایدم جکی بو ماجرای ابد آرای (منگور)  
 عشیرتی رئیسك اوغلی ، فلان ویا فلان معلمك تقریریه ، فلان  
 ویا فلان صحائفدن آلمش بر فکر ایله دکل ، کندی روح نجینك  
 قعر بلنددن قوپوب گلن بر صرصر الهام ایله ابداع ایتشدرد . بشیکله  
 مزاری آراسنده قیصیلان اون درت خطوهك مسافیه رغما ، ملتك  
 مالکانه تاریخنه بر افق نوین علاوه ایتش اولان بو بیوک روحلی  
 مسلمان و آرسلان یورکلی عثمانلی چو جوغنك جنازه سنی حرمتله سلاملاق  
 هر عثمانلیه و هر مسلمانه مبارک بر وظیفه اولسون ! ...

## آه ایالیا !..

بو او یله بر حریجه ' ملیه دز که نیانک  
پای کافری آلتنده دها زیاده قانار .



## آه ایتلیا ! ...

آفریقاده کی اقسام وطنمزه درت سنه اول ایتالیا طرفندن واقع اولان تعرض ناکهانی قارشیسنده حربك وانسانیتك مدنی ، وحشی ، نه قدر قواعدی و احکامی وارسه هپسی چین استکراه کوسترملی در . اکر بو نفرت دریغ اولنورسه وجدان عثمانی ده انسانیت نامنه تدوین و اعلان ایدلمش نه قدر احکام وقواعد وارسه هپسندن نفرتکار وهپسنه تاریخ حضورنده لغت نثار اولسون ! . .

ایتالیا سفائن حربیه سنك طوپلری آفریقای عثمانینك ساحل لرینه مرملیرینی قوصارکن ، جین اضطرار مزده چیرپنان اشمئزاز انفعال ، ناصیه احفاده انتقال ایتلی در . بو اوילה برجریحه ملیه درکه نسیانك پای کافری آلتنده دها زیاده قانار . اوزمان وجدان نالانمك اینلرینی ضبط ایتمش اولان صحیفه لردن برقاجنی بورایه نقل ایدیورم . عرقکه ، وطنکه ، تاریخنکه اهانت ایتمش اولان افراد و اقوامك هیچ برینی اونوتما ، ترك اوغلی ! ...  
اونوتما ، و عفو ایتمه ! ! ! ...





## الواح مغلده دن

قهرمان بنگازينك مبعوث مجاهدى يوسف شتوان بك ، ووطنك ماتم جدالنى طاشيان سرشك آلود بر نظرله آفاق دورادوره گوملمش بر خاطره باقاركي ، برايكى دقيقه ساكت طور دقدن صوگره ديدى كه :

— سزه بنگازى وقايعنك روح مجلى اوله جق بر حادته آكلا تيم .  
 بونك شهود عديده سندن برى اولقله مباهى يم . بنگازى قبائلى مياننده  
 اك غلبه لكلى و جسور بر قبيله واردركه آدينه (عواكر) ديرلر .  
 شيخ المشايخى مبروكدر . شيخ مبروك اعلان حربى متعاقب اوغللى  
 شيخ على رقرق و شيخ موسى رقرق ايله برلكده ميدان مخاصمه يه قوشدى .  
 قبيله سنك جنكاور افرادىنى برابر كترمى . شيخك سنى يتمشى  
 متجاوز و اوغللى قرق ياشنه متقرب ايدى . بك قانلى بر مصادمه  
 عقبنده شهيدلر مى قالد يرر كن ايكي قاردشك جنازه لرى بولدق .  
 بيوكنى براوبوس ايكي يه بولش ، ايكنجيسنك وجودنده بر ميترا ليوز  
 بر چوق ده ليك ده شيك آچمى . پدرى شيخ مبروكه حادثه يى احتياط  
 ايله خبر و يردك . او اختيار آفريقا آرسلانك كوكره ملرينه قاريشه جق  
 صيحه ماتمله بنگازينك افقلى بر كرّه دها تتره يه جك ظن ايدى يوردق .  
 شيخ مبروك ، اوغللى نك نعش پريشانى كوردى كي زمان هيچ بر اين  
 تلف ، هيچ بر آه تألم اظهار ايتدى . شكلى حالا كوزلر مكا او كنده

وسوزلری قولانمده در. آللرینی سایه قالدیره رق [اللّٰه شکر لر اولسون.  
 بوبکا ربّکم فضل و عنایتی در. مدافعه وطن یولنده احراز شهادت  
 ایتیش ایکی آدمک باباسی اولمقدن بیوک مظهریت اولماز. آه اوغللرم!  
 ضیاعکزه آجیمیور، طالعکزه غبطه ایدیورم.] دیدی.

یوسف شتوان بکک دقیقه بدقیقه تزید اهترازایدن سسی بوراده  
 برشقه تلّه قله دوکوملندی. حاضر بولنان برایکی وطنداش، سرشک  
 تأثره واسع برمجری ویرمشلردی. کندی کندیمه دیدم که:  
 — بومتانته حضرت ابراهیمده حیران اولور!..

عثمانی پادشاهی شوکتلو محمدخان خامس حضرتلری بوسنه مکتب حربیه دن نشئت ایدن درت یوز عثمانی ضابطک سنین عدیدۀ مساعی ایله اجر از استحقاق ایتمش اولدقلری شهادتنامه لری دون ینه مکتب حربیه ده وولی عهدلریله حکومت سنیه لرینک اعظم مأمورین ملکیه وعسکریه سی حاضر اولدیغی حالده بالذات اعطا ومناسب لرینی هدایای ملوکانه لرلیله تلطیف بیوردیلر .

بو او یله بر رسم وجدان نواز درکه سنه ده دکل ، آیده بر گره تکرار ایدلسه ینه عثمانی کوکلر نده ایقاظ مسار ایتکدن یورولماز . هر کس بیلیرکه آلتی یوز سنه لک موجودیت سیاسیهمزی بز یالکیز عسکر لکله محافظه و خاک پاک وطنی خارج و داخلک تعرضاتنه قارشی یالکیز بونکله مدافعه ایتدک وایدیورز . مشروطیتک اعلانی متعاقب اردونک تنسیقاتنه اهمیت فائقه ویرلمش اولدیغی انتقاد ایدنلر کورلمدی دکل ؛ حتی خارجدن کلن اصوات اعتراضه بعض صدای داخلی ده تردیف تعریض ایتدی . فقط اردو اولماسه بزهیچ . . . کلیاً هیچ اوله جغز . حقّه ، عهدده ، انسانلغک ایجاباتیله اخلاقک قواعد موضوعه سنه رعایتکار اولمقدن وحتی برچوق مسئله ده تذلل عد اولنه بیله جک قدر صبر وتحمل کوسترمکدن نه قازاندق ؟ بوکون الک قبا بر قوت الک صریح

---

[۰.] ۱۳۲۸ سنه رومیه سی مارتنک اون دردنجهی کونی مکتب حربیه ده اجرا اولنان مراسم مناسبتیه .

بر حتمّی پایمال ایدیور . افواه ناریه سنک مریمات ردیه سیله  
انسانیتک بالعموم موضوعات حقوقیه سنه توکورمکده اولان بر دشمن  
بی امانه اقتدا ایتمکدن دیگر دشمنلری منع ایدن کیمدر ، بیلیرمیسکز ؟  
— موجودینه دون درت یوز منور کنج التحاق وانضمام ایتش  
اولان عثمانلی اردوسی ! . .

اردویی تقویه ایتمکی زائد عد ویا بوگا براهیت تالیه عطف ایتک  
ایستیلرک یالکز اذعانندن دکل ، ناموس وطنیسندن ده شبهه ایدملی در .  
فرانسه ادبای حاضر سنک الیوکلرندن اولان ( آناطول فرانس )  
مسلك فلسفی و اجتماعیی عسکرلکه مغایر و حتی بسبتون علیهنده  
اولمقله برابر ، وظیفه اطاعت و حرمت ، استحقار منفعت ، داعیه  
ناموس ، تقید انتظام ، وقار مسلك کبی تمایلات عالیهنک ، انسانیته  
عسکرلکه برابر داخل اولدیغنی بر قناعت شکلنده اعلان ایدیور .  
فی الحقیقه بو ادعا هر وجدانک قناعتی تزید ایتمکه لائق بر حقیقتدر .

\*  
\* \*

مکتب حربیه دن نشئت ایدن ضابطلرله مستقبلک ضابطلری اولان  
طلبه ، مواجهه هایونده و نظر تقدیس واعتمادلری متبوع مکرملرینک  
وجه تابناک معطوف اولدیغنی حالده کچیدر رسمی اجرا ایدر لرکن کوزلر ،  
دکیزلرک و افکلرک اوته سنده ، بو وطنک هجران زده بر جزء رقیق و مبارکنی  
مدافعه ایدن دل اورلرک خیال منوری آریوردی . اودقیقه ده وطنپرورلک  
حسیاتنک اک بلندینه پناه اولان او قهرمان کوکلرده نه لر او یاندیغنی  
و اوبیوک وجدانلره نه لر الهام اولندیغنی بیلیم ؛ فقط بو گنج ضابطلرله  
بیوک قاردرلرینک او کتیبه جلال و اجلاله رفیق عزم اوله مادقلری

ایچون روحلرندن قویان شہقات تالم گوزلرندن دوکلیوردی . وسانکہ  
هر نظر دیوردی کہ :

بر بعد بی نہایہ کہ . . . کویا کہ آخرت ،  
اولاد جانسپارینه یاردیم ، مظاهرت  
امکان و احتمالی بزدن همان بتون  
نزع ایلین بوبعد الیمک صورک بوکون  
احساس جانخراشی اون درت قول اردودن .  
ای شهرت و شجاعتی برداستان اولان  
ارسلان یورہ کلی اردو ، بہادرلر اردوسی ،  
هر حالہ رغماً ایشته حدودلردہ قورقوسی  
برچوق مہین امللی حکوماتی سیندیران  
مردم مظفر اردو ، جیوش غضنفران ،  
سز آکلادک ، سزک قدر اصلا بوکون ، یارین ،  
هیچ کیمبہ طویماش ، طویہ ماز حرب حاضرک  
شکل غرابتندہ کی قہر و مرارتی .  
سز سویلیک غزایی و یاخود شہادی  
نعمت صایار وایستر ، آرارکن قازانماق ،  
ایثار خون خصم ایدہ جک یردہ آغلامق ،  
طوب ، گوللہ قارشیسندہ رفیق سلاحتی ،  
اعدایہ قارشی مملکتک برجناحتی  
پایستہ ، بی مدافعه ، میال انہدام  
کورمک و ہیچ معاونت - ای رب انتقام ! -

امکانی بولماق . . . واوزاقدن پرانفعال ،  
یومروقلریله بوشلغی دوومک . . . نهدر بو حال !..  
حرب ایتدی ، ییقدی ، یاقدی ؛ فقط آلتی یوز سنه  
عثمانلی قومی چامادی حربک بوجنسنه ! . . . [\*]

یمین ایدرم که صوڭ فردی و صوڭ فردینک صوڭ نفسی قالنجیه  
قدر عثمانلی قومی بوماجرای ابدگریانی اونوتمایه جق واللهمه ، وطنه ،  
نفسه قارشى مکلف اولدیغی وظائف میاننده وبرمیان بلندنده ایتالیا  
خصومتی یاشاده جقدر .

عثمانلی هیئت اجتماعیه سنک ، سوگیلی اردوسنه دون اهدا ایتدیکی  
درت یوز اولادیله بوراده صمیمی بر حسب حال ایتهدن شو سطرلری  
قاپایه میه جغم :

قاردشلم !.. وظائف وطنیه نك الك بیوگی ، الك تحممسوزی ،  
الك مهالكمشحونی دوندن اعتباراً سزك گنج او موزلرگزیه یوکلندی .  
بوکون سز سرحدلرمزك ، سورلرمزك ، قپولرمزك ، قپلرمزك امنیت  
ذی حیاتیسگز !.. بزى (عثمانلی) نام نجیبی آلتنده دهازیاده یاشاده بیلمک  
ایچون اولمکه آماده بولندیگزی دون الله و پادشاه حضورنده یمینلره  
اعلان ایتدیگز . شیمدی او یله براردویه داخل اولیورسگز که تاریخ  
عمومی بشرده بر چوق صحائف مفاخری واردر . بواردو هر یرده  
بیوکلک کوستردی . وفلاکت ومغلوبیت دملرنده بیله مهیب ومعظم  
کوروندی .

سزه اشارت اوانه جق یرلره وقار و بسالتله کیدیگز قاردشلم !..

[\*] فائق عالی : ( اوچورومک کنارنده ) . الحان وطن صحیفه : ۱۸-۱۶

وطنی تهدید ایدن تهلکه لر سزک گولگه لرگز اوگندن فرار ایتسون.  
 والرگزده کی وسائط قهر وافناء عثمانلی دیارینه سوء نظر عطف ایدن  
 کوزلرله نیات خائنه بسیلین دماغلره صاپلانسون . وطنک دشمنلرینه  
 قارشى پرغیظ ومنتقم ، بی رحم و بی امان اولک ! ..  
 بویله اولک ! .. فقط نفسی مدافعه دن عاجز بیکسلرله مددخواه  
 و ملتجیلر - ایتالیان بیله اولسه لر ! .. سزک بسالتپناه اولان سینه لرگزده .  
 غایت مشفق برانسان ، برقاردش قلبی چارپدیغنی کورسونلر ! ..



## چناق قلعه دن کچر سه ...!

محاربه دوام ایتدکجه ایتالیا نڭ دونماسی، (رومانو پوپولو) غزته سنی قاره لایان محرر لرک اللرنده کی قلمدن دها مسخره بر شانتاز آلتی اولیور. بومسخره، طرابلس غربده، بنغازیده آفاق البحاره تحصن ایده رک، سلاحسز حیاتلره و حیاتسز چوللره یاغیر دینی شاشقین مر میلری، شیمدی دها چاغین بر مقصده خدمتکار ایتک ایستیورمش :

### چناق قلعه یی زور لاق ...!

بز بونی چوقدن بککر وایستردک . عثمانلی اردوسی و دونماسی منابع قواسیله ارتباطی منقطع اولیان بر یرده ایتالیا ایله دوکوشمکه آیلردن بری متحسردر . دشمنمز بویه بر امکان تلاقی تأمین ایدرسه اوتحسری اسکات و تطمین ایتش اولور .

چناق قلعه ایتالیا دونماسنڭ مرور جبریسنی منع ایده بیله جک قدر مستحکمیدر، دکلی در؟... یالکز ارکان حربیه مزک اشتغال ایده بیله جکی بر مسئله یی بوراده موضوع بحث ایتکه صلاحیتدار دکلز . بزه لازم اولان ، یالکز بوتشبتک نتیجه محتمله سنی بیلیمکدر .

بوکون چناق قلعه ده کی استحکام و گمیلر مز ایتالیا دونماسنڭ و رودینی تهالکدرله بکلیور . ایتالیا نڭ ید شقاوته یایشان آلات قاتله نڭ بزم و سائط جهاده فائیتی - محال ویا ممکن بر فرضیه شکلنده - قبول ایدلسه بیله ، اوسلاحلری اداره ایده جک اللرک ماهیتی آراسنده کی فرق و فرق عظیم انکار اولنه ماز .

استحکاملر مز ، او ثابت گمیلری ایچنده عمان غفرانک جوشش مؤبدینه ایمان ایدن قهرمانلرله ، گمیلر مز ، اومتحرک استحکاملرنده تسلیم بایراغنک وجودینی عار آلود برلکه گوره رک ، ماتمک بو علامت بیاضنی با کمال احتفال یاقه جق قدر بیوک یوره کلی آرسلانلرله طولودر . آلتی آیدن بری گونده بیك داستان شاعتنی ایشیتدکلی دشمنک برکرم اولسون یوزینی گورمکی ناشکیانه بکلیورلر . ایتالیا دونماسنک چناق قلعه اوکنده صف حرب تشکیل ایده جکی کون ، بزم بری و بحری عسکرلر مزك عیدا کبری اوله جقدر . اوسفیل تنک اونیفورمه لی اشقیاسنی هپسی بکلیور . وهپمز بکلیورز .

دیورلرکه ایتالیا دونماسنک طوپلری چناق قلعه ده کی طوپلر مزه فائق ایمش ؛ دیورلرکه طوپراق استحکاملر چلیک گمیلر قارشینده مبهوت قالمغه محکوم ایمش ؛ دیورلرکه ، او جسم مراکب منتظمه اوکنده بزم گمیلر مزك قدرت مقاومتی مفقود ایمش ؟ ...

بوطوغری ایسه بزدها زیاده محظوظ ومفتخر اولورز . دیمک که ترکلرک جلادت خارق العاده سنه بیوک برزمین انکشاف ، بر میدان امتحان دها آچیله جق . قهرمانلق ، حسابات خودکامانه دن دائماً استغنا وحتی تبری وباء ایدر . مطلقا دوکوشمک ایچون قوای مادیده تساوی آرایانلر ، تجارت فکرنی عسکرلک حسنه تحکم ایتدیرمک ایستینلردر . متجاوز دگلزکه هر هانکی بر حساب منفعترستانه ناظم حرکاتمز اولسون !.. مقدساتنک حضور مغدوریتنده غزا وشهادتدن برینی احراز ایتمکدن بشقه هیچ بر حسابی ، هیچ بر منفعتی اولیان حضرت محمدک وسلطان محمدک عسکرلری بو قدر ریاضی دوشونلش

حر بلردن مردلک وفدا کارلق ناملرینه برپارچه ده استکراه ایدر لر .  
ایتالیا دونمائی گلسون ، طورپیلر مزی چکنمک ایچون برهوا  
اولمخی گوزه آله بیله جک فدا کارلری اولدیغنی گوسترسه بوگونه قدر  
سرنکون طوران تمثال عسکریسنگ فرق مباحاتنه برهاله ناموس ،  
براکیل حیثیت وضع ایتیش اولور . واوزمان بزده دشمنمزی جدأ  
تجیل ایدرز .

فقط ایتالیا بوجرائی گوسترمک شرفدن نفسنی واونی گورمک  
لذتندن بزی محروم ایده جکدر . چونکه یالکگز آنارشیتلر طوغوران  
ایتالیا ، برطورپیلک اوستدن بیله رک وتتره میه رک گچه بیله جک اصحاب  
عزمی ، قرون اولانک صوگ عصرلرندن بری تولید ایده مدی .  
ایتالیا شمالی آفریقاده ، بحر احمرده ، بیروتده وبوندن صوگره  
صالدیره جغی برلرده هرطوب آتدجه ، اوروپایوزینی حجاب ایله سیلمی در .  
چونکه بومسکین مر میلرله اوروپانک حقوقه ، عهدینه ، مؤسسات  
اخلاقه سنه ، قواعد وایجابات اجتماعیه سنه ، حاصلی منفعتنه ، شرفه ،  
ناموسنه توکوریلور .

یالکگز برایکی دولت برایکی مسئله ده آلرینی یوزلرینه طوتمق غیرتنده  
بولنورگی اولدیلر . دیکر اقوام ودولک یداستغفارنده بو قدرده مدار  
تبری یوقدر .

## کندی قلنج‌لرینه ...!

ایتالیا محاربه‌سنک ظهورینی متعاقب آفریقاده کی وطنه و طنداشلرک  
حق وامیتی کیملرک ید محافظه‌سنه تودیع ایدلمش اولدیغنی بر عثمانلی  
مبعوثی خارجیه ناظر مزدن رسماً سؤال ایتشدی . ناظر بوسؤاله وقور  
بر بلاغته و برسوزله جواب ویردی :

— کندی فلنج‌لرینه ...!

دنیا ده هیچ برسوز شمالی آفریقاده کی وضعیت عثمانیه نی بو قدر  
موجز و بونگله برابر بو قدر واضح صورتده تعریف ایده‌مز . و هیچ  
بر قلنج کورلما مشدرکه بوندن مشروع بر حقه بوندن زیاده قهرماناقله  
خدمتکار اوله بیلسون !!

اللّٰهک بو عدل متسیفی اداره ایدن ایادی عزمک عثمانلی آلری  
اولدیغنی کورمک و ایشیتمک قدر بر عثمانلی قلبی لبریز مفخرت ایده‌جک  
رشی یوقدر . وطنک اک هجران زده بر ساحه‌سنه سرلمش اولان اک  
دکرلی و طنداشلرمنک جنازه لری اوکنده آغلارکن بیله بز بونگله  
متسلی و مباھی یز !!

بزم نه قدر حصه تسلیت و مباها تمز و ارسه اوروپانکده او قدر  
حق حیاسی و وظیفه عار و حجابی اولملی در . تاریخ ، هیچ بر شقاوتک  
بودر جه لرده مظهر مسامحه اولدیغنی بیامز . یکرمنجی عصر ، هر درلو  
مکتسبات علمیه و مدنیه سیله کچمش اعصار و وحشتدن اوتانملی و بو حربک  
مناظر بلند و فجیعی اوکنده یرلره کچملی در .

ایتالیا شانتاژله باشلامش اولدینی بواشی ینه شانتاژله بیتیرمک  
ایستیورمش، یعنی آطه لردن برینی ویا برقاچنی، دونماسنک عجزه کش  
مرمیاتیله یاقوب ییقدقدن سوکره، رهن مقامنده ویا بشقه صورتله  
اشغال ایده جکمش..!

بونی بزاصلا استبعاد ایتیز. حتی استبعاد ایتک شویله طورسون،  
شمدی یه قدر ایقاع ایدلامش اولمسنه متعجبز. غیر مستحکم محللرده  
نامسّح آدمیری اولدیرمک ایتالیا نلرک گوستره بیله جکی یکانه قهرمانلقدرد.  
تجارت عمومیّه سنه ایراث خلل ایتیزسه بوجایتلر، اوروپا نظرندده  
معذور وحتی مشکور اوله بیلیر..! فقط ایتالیا آطه لرمزی ودها بشقه  
یرلرمزی یاقوب ییقمقله نه قازانه جق..! آته جنی طوپلرک مرمیاتی  
بدلنه تقابل ایده جک قدر فواید استحصال ایده میه جکی محققدر. بو  
گون ایتالیا مقتدر ایسه قهرمانلغنی درنه ایله عین زاره آراسنده کی  
منطقه واسعه ده کوسترسون. ید اهانتنی کیرلتن وسائط جنک وتخریب  
اوکنده کی آلات جهاد، ناقص ویا نامکمل در. آفریقانک چوللری  
قوم دریالری اولسه بیله، بودریالرگمی قبول ایتیز. عسکرینی دونما  
آتشک منطقه حمایتی خارجنده حرب ایتکه آلدیرسون، الله تقدیر  
ایتمش سه اوزمان آفریقایه صاحب اوله بیلیر.

فقط بزم خطاب وعتابمز ایتالیدان زیاده اوروپایه راجعدر. اک  
چوک مسئله لری علیهمزده وسیله مداخله ووسیله تزویر ایدن جهان  
مدنیّتک بوسکوت وتسامحنی کورمکه انسانیت عمومیّه اوتانیور. او  
حساس، متفکر، شاعر، حکیم، انسانیتپرور اوروپا نرده..!  
گچمش زمانلرک ماجرای وحشته مورخلرینک قلملریله سیل

تلعین کوندردن اوروپایی شیمدی قارشیمزده گورمک ایستردک . صلح قونغرهلری ، صلح محکمهلری ، صلح جمعیتلری تشریدن ایدن اوروپا ، حربک بوشکل مستکرنهندن اوتانیمورمی ؟..

حقّ بشر ، عهد دول ، شرف ملّی ، قواعد اخلاق ، موضوعات عدالت ، هپسی ، هپسی ، هپسی افلاس ایتدی . حیوانلغی حمایه ایتمکه انسانلغی اعلایه یلتنن اوروپا ، حضرت آدمک بیکناه اوغلرینه روا گوریلن مظالمی تقیح ایتیه جکمی ؟..

بز حربک شکل حاضريله بالعم اشکال محتمله و مستقبه‌سندن نمونز . مدافعه ملّیه نامنه نه قدر منابع پرفیضه صاحب بولندیغمزی بو ایتالیا محاربه‌سنه قدر بزده بیلیموردق ، شیمدی اوکرنده . . . . . نفسمزی ده ، دشمنمزی ده ، ( اوروپا ) دینیلن معمای غریبی ده اوکرنده . حربی ادامه ایتک جهان مدنیتک ضررینه اولسه بيله ، بزم منفعتمزه موافقدر . دول معظمه صوگ بر حرکت عجیبه اولمق اوزره طرابلس غربله بنغازی یی تخلیه ایتمکه بزى فعلاً اجبار ایده‌بیلیر . محقق بیلنسونه شمالی آفریقاده بو کون موانعسوز برغلیان حمت وار . اوراده کی حرکتی نه دولت عثمانیه تعطیل ایده‌بیلیر ، نه دول معظمه .



## قونفرانس ولوله سی

نیچون وکیمدن کتم ایدەلم ؟... قرق سنه یه قریب برزماندن بری  
اوروپانک دوداقلرنده نه وقت ( حق ) کله سی چیرپندی ایسه شرق  
مظلوم برکرده دها ایگلدی وازلدی . مقاصد خودکامانه سنک اشکالی  
ناقابل افشا بر چیرکینک آلدیغی زمان اوروپا ، مضمرات مستهجنه سی  
بوکله نک لطف معایب پوشیله ستر ایتکه چالشیور . ایشته حقک بوکونکی  
مناسبات دولیده موقعی ووظیفه سی بودر .

منفعتلرک ایجابات حقانیه رعایتکار اولسنی تمنی ایدەجک قدر  
ساده دل دکلز . یالکز بو قدر مرائی بر شکل معیوب آلماسون ، ایشته  
بزم جهان تمدندن یالواره رق ایستدیکمز بو ویالکز بودر !..

میدانده - حتی مصنوع وحتی مزور - هیچ بر سبب موجود  
دکل ایکن ایتالیا طرابلس غریبمه هجوم ایتدی . اوروپا بو تسلطی  
موأخذە ایدەجک یرده قوتک حقیله تقدیس ایتشدی . ایتالیا طرابلس  
غریبده اختیارلری ، قادینلری ، چوقوقلری قتل عام ایتدی . اوروپا  
بوتخریب واقفا عملیاتنی تمدینک ایلک وظیفه مقدسه سی عدايله ومامورین  
سیاسیه سنک آلریله آلقشلامقندن اوتانمادی بیله !...

ایتالیا ، خسته خانه لری طوپه طوته رق جانلی ، جانسز ، نه قدر وسائط  
تشفیه وارسه هپسنی مصادره ایتمکدن چکنمدی [\*] اوروپا ، حق  
حربک حق حیاته تقدّم ایتدیکنی برقاعده سهاویه صورتنده تدوین

---

[\*] هلال احمره منسوب اطباءنی وادویه نی یولده توقیف ایتشلردی .



ایدن بر سکوت ایله ماجرای سترایدەرك و جدان بشرک انفعال پاکنی  
برکله ایله اولسون اظهار ایتدی بيله ..!

بو سوزلر یالکیز رسمی اوروپایه دکل ، علمی اوروپایه ، ادبی  
اوروپایه ، صنعتکار اوروپایه حاصلی بحر منجمد شالیدن ماتابان برونه  
و بحر محیط آتلاسیدن اورال طاغلینه قدریاییلان اومعمور و مزین ،  
فقط قانسز ، حانسز ، شانسیز طوپراقلمه عائددر . حکماسنه ، علماسنه ،  
شعراسنه حیران اولدیغمز اوروپای بزوکون قارشیمزده دکل ،  
خیالزده بيله بوله میورز .

بیلیرز ، ( لاهی ) دینیلن برقصه‌ده انسانلرک ساده دلکیله استهزا  
ایدن بر مؤسسۀ عجیبه وارددر . وزواللی یکرمنجی عصر تمدن ، بو  
مسخرۀ نوزادک بشیکنی صاللامقله تاریخک آلتی بیك سنه‌لک اوجاع  
ومتاعنه نشاند تنویم اوقومغه چالشیور .

صلح عمومی وحقّ و عهدکی کله‌لر بوگون گولنج اولدیغی قدر  
معناسزدر . ایتالیانک آفریقایه حواله ایتدیکی ساطوری غلبه احتمالی  
بيله رکن اوروپا بو کله‌لرک مفهوم و مدلولنه پک بیگانه کوروندی .  
فقط شیمدی ایشیدیورزکه ( حقوق دول )ک صحیفه‌لری ایچنده ایتالیانک  
خطالری تصحیح ایده‌جک بعض مواد آرانیورمش . واز جمله بوغازلرک  
سفائن تجاریه‌یه وروایته نظراً بعض دولتلرک مراکب حربیه‌سنه آچیق  
بولندیرلمسی اسبابنه توسل ایدیله‌رک بومیانده مواد سائرده حلّ و فصل  
ایدلک ایستلیورمش .

اول امرده بوغازلرک مسدودیتی مسئله‌سی بزه دکل ، انکلتريه  
عائددر . سفائن حربیه اجنیه‌نک بورالردن مرورینی بزمنه فعلاً

مقدر اولدجه مسدودیت مقررهنك الغاسندن اندیشه ناك اولمايز .  
مقدر اوله مازسه ق ، عهدده مستند برمسدوديتك هيچ براهميتي يوقدر .  
ايتاليا ، بوحقيقتي اون كون اول فعلاً اثبات ايتدى .  
روس قومشومزى بوصيره ده ايتاليايه فضله خيرخواه كورمك  
بزي جداً متحير ايدر .

فرانسه ايله انكلتره ، دوستلرينك قارشيلرنده كي اتفاق مثله  
خدمتكارلق ايتديكني گوررلرسه ، ظن ايتيمزكه ، بزم كي يالگزتخيرله  
اكتفا ايتسونلر . هر حالده مناسبات عالم ايچون دها قاريشيق ودها  
مهالك آلود برصحنه نوين آچليور . وهر حالده بونده ده الك آاز ضررديده  
اوله جق بزز .

العقادی پترسبورغده آرزو اولنان قونفرانس نه كي مسائلي  
تدقيق وحل ايده جك ؟ . .

— شرائط صلحيه يي مي ؟ . .

بز بوشرطلري قطعي صورتده تعين واعلان ايتدك . ايتاليانك  
غالبيت قطعيه سندن بشقه هيچ برقوت اوشرائطي تعديل ايده مز ! . .  
— بوغازلرك مسدوديتي مسئله سني مي ؟ . .

بزدن زياده انكليزلرك قاني وپاره سيله تقرر ايتمش اولان بو حالي ،  
انكلتره ايسترسه تغير ايتديرسون .

بزه اي قاع ضرر ايتيمه جك هرسفينه حربيهنك بورادن مروري ،  
اويله ظن اولنديغي كي ، پايتختك امن وحضوريني سالب اوله بيله جك  
برماهيتي حائر دكلدر .

فرض محال اوله رق بر قونفرانس تشكّل ايدر وشو ايكي ماده

خارجنده اتخاذ مقررات ایده‌رک بوقرارلر آره‌سنده حقوق و منافعه‌مزی  
اخلال ایده‌جک شیلر بولنورسه قطعاً قبول ایده‌میه‌جک‌مزی شیم‌دین  
اعلان ایدرز .

قونفرانس مقرراتی نه ایله تطبیق ایده‌جکدر ؟ . . اوروپانک  
قوای عمومیه‌سی پترسبورغک خیالی و یا حقیقی قونفرانسنه اجرا مباشرلکی  
ایده‌مز . بونی امید ایتک ، مدنیت حاضره‌نک جسم منورنده ( پیه‌ر  
لرمیت ) نک روح مظلمنی حاکم ظن ایلکدر .

بشقه بردولتک قوه منفرده‌سیمی قونفرانسک مرامنه آلت ترویج  
اوله‌جق ؟ . . . بوگاده یالگیز شو جوانی ویررز :

الله کریمدر !..



## برایضاح

بو صحیفه لر درت سنه اول ایتالیا محاربه سنک وقایع وصفحات  
یومیّه سی تعقیب اولنه رق یازلمشدی . بعض نقاطی ، خصوصیه امید  
غلبه واطمئنان تخلص کی جهتلرینی زمان بوگونه قدر تأیید ایتدی .  
( بوگونه قدر ) دیدم . اوت ، بن اوامید واطمئنانه حالا ودائماً  
حساً ، فکرأ ، قناعهٔ مربوطم . ( گیدن گلمز ! ) دیورلر ، یالاندر .  
بز ایسترسه ک گیدنلر ، حتی بویومش اولدقلری حالد ، کلیرلر .  
مشکلات ومصائب قارشیسینده عجز ویأس کوسترمک قلوب ضعیفه نك  
خسائسندندر . متین گوگلر ، مزاحم و موانع آرتدجه تزید عزم  
ایدرلر . وهر عزم ، برظفرک مقدمهٔ تحقیق در .

آفریقاده کی صوڭ طور اقلرمزی ایتالیا نیچون و نصل المزدن  
آلدی ؟ . . . بونی تاریخ سکا دورودراز حکایه ایده جکدر . فقط سن  
اقسام وطنکدن گیدن هر یرگی ، آفریقانکده برکون سکا ویا اولاد  
واحفادیگه عودت ایده جکنده شبهه ایتمه ترک اوغلی ! . . .  
شبهه ایتمه . طمرلرکده کی صوڭ قطرهٔ خونک ، کیسه کده کی صوڭ  
غروشک ، بازوی قدرتکده کی صوڭ یومروقلر ، دماغک صوڭ  
ذخیرهٔ عرفانی ، وجدانک صوڭ شعلهٔ ایمانی هپ بوغایه یه ، بوامیده ،  
بواطمئنانه خدمتکار اولسون ! . .



کے



صوڭ عصرلر، خصوصيله صوڭ سنه لر المزدن نه قدر ونه قدر يرلر  
آلدى .. بن بوندىن بويله وطنمك حدود واقسامنى جغرافيا كتابلرنده  
دكل، كندى تاريخنده وكندى قلبمده آرايه جغم. تركك قاننى قوقلامش  
واوېمش اولان هر طوپراغك روحى بنم روحك ايچنده در . او بشقه  
دولتك خريطه سنه يالكز اسمنى نقل ايدر ، اوده گريان ونالان  
اوله رق !!!

گوزلرم هيچ بر زمان دجله كناريه طونه قيلولى وعثمان ساحللىرى  
آراسنده بر نك افتراق ، بروضع بيكانكى گورمز . گيدن يرلر كماتم  
هجراتنى جسمم مزاره ، روحم ابديت زاره گوتوره جكدرد . بيك كرّه  
سويلدم ، ينه وداثما تكرار ايدرم كه اونلر ك برگون بهمه حال بزه  
عودت ايده جكنه معتقدم . بن بوگونه قدر بو اعتقاد ايله ياشادم .  
وبو اعتقاد ايله اوله جكم !

۲۷ تشرين ثانى ۱۳۳۱



## گریدک تاریخی، اعتنائی

بحر سفیدک میاہ مینافامی اور تہ سندھ دائما قانی وقایعہ چرپنان بوجزیرہ بزم - تاریخ قمری حسابیلہ - ایکی یوزیتش ایکی سنہ دن بری قانایان برجریحہ معززہ مزدرد . [\*] ممالک وسیعہ عثمانیہ نیک قریب وبعید هیچ برطرفندہ برکوی ویاناحیہ کوستریلہ مزکہ گریدک جبال وقلاعی اوگندہ مقصد عمومی عثمانی نامنہ ایثار حیات ایتش بر قاج اولادی ، بر قاج شہیدی بولماسون . بز بوجزیرہ قلعہ جملہ فتح وقلنجملہ محافظہ ایتشکن ، شیمدی بر قاج شقینک مطالب خون آلودینہ نصل فدا ایدہ بیلیرز ...

قہرمان عثمانیلرک گریدده دوکولن قانلرندن اورادہ بر بحیرہ مؤبدہ موجوددر . بوخونزارحمیتہ انصباب ایدہ بیلہ جک قانلر طمرلر مزدہ دوران ایتدجکہ ، بز دن مؤبدہ افتراق ایتسنہ قائل اولیہ جغز .

گریدک بدایت فتحندن بری اہالی خرسیتانیہ سی ادارہ عثمانیہ نیک بر لطف مستناسنہ مظهر ایدی . بونککہ برابر وطن پرورلکدن زیادہ خونخوار قلقلہ مجبول ومعتاد اولان اوسکنہ خشینہ مملکتلرینک ہروادی لطیفی برمسیل خون وآتش وادارہ حکومتلہ برابر کندی رفہیتلریندہ خللدار ومشوش ایدہ جک حرکات باغیانہ معندانہ دوام ایدوب طور دیلر .

گریدده بزہ قارشی ایلک نشانہ قیام ۱۷۷۰ سنہ میلادیہ سندہ مشہود

---

[\*] بوسطرلر ۱۳۲۷ سنہ سی جمادی الاولاسندہ یازلش ایدی .

اولمشدی . بالاخره یونان فترتنه مجلوب و مسحور اوله رق ۱۸۲۱ و ۴۱ تاریخلرنده ده آثار عصیان کوستردیلر سده هر قیام ، دولتک سطوت قاهره سی سایه سنده تسکین و ۱۸۵۸ سنه سنده سر نمون اولان آثار فسادده سامی پاشا مرحومک تدابیر حکیمانه سیله ازاله اولنه رق جزیره نك سکون و آسایشی تأمین اولندی . بونکله برابر خارجدن متوالیاً وزان اولان هوای افساد جزیره داخلنده مستعد اشتعال برچوق مواد بولمقده ایدی . نهایت ۱۸۶۶ سنه سنده گرید ارباب فسادى - کمال بك مرحومک تعمیر بلیغجه - ( برألرلیله عرضحال یاپراغی و برألرلیله اختلال یاپراغی کشاد ایدرهك هم مستدعی ، هم مدعی صورتنده ) میدانه چقیدی .

بوشکل و صورتده واقع اولان مستدعیاتک عدم اسعافی لازم ایکن باب عالی ، هر نه دنسه ، بعض مواعد مهمه سردیله عصاتی تشجیع و فسادک استعداد سرایت و دوامی عادتاً تقویه و توسیع ایتمشدی . بوتدیر ، صدراعظم عالی پاشانک ناقابل تأویل و تفسیر برقصوریدر . چونکه سین عیدیده دن بری محسوس و حتی منتظر اولان عصیانی مبدأ تحدثنده تسکینه تشبث ایتک لازم و بناء علیه باب عالینک بوکبی عماشاتی نابوسم ایدی . بونی کرید عصاتی زمامداران امور مزدن زیاده تقدیر ایدرهك ۱۸۶۶ سنه میلادیه نی ایلوانک یگریمی ایکنجی گونی جزیره نك یونانستانه التحاقی اعلانه جرأت و قری و قصباده کی اهالی اسلامیه نی قتل عام ایله اتمام شقاوت ایتدیلر . باب عالی ده اول توسل ایده جکی تدبیره آنجق بوسفر مراجعته لزوم کورمشدی . سردار عمر پاشا قومانداسیله قرق بیك عسکر گریده سوق اولندی .

عالی پاشانک کتابت خصوصیه سیله معیتده گریده عزیمت ایتش

اولان موسیو شارل میسمرک مشهودات و روایتیه نظراً، سردار عمر پاشا صیت عسکریسینه علاوه شرف ایتیه جک بعض اسبابدن طولانی استحصال موفقیت ایدمهیرهك عزلا ایدلش اولدیغندن کریدك بوعصیانیه ده سطوت عسکریه ایله تسکین ایلیه ییرك اورتا علی پاشانك سیاست مزمنه سندن بشقه بر حلال مشکلات قالمامشدی .

اوتاریخده کی سطوت بریه و بحریه سیله دنیانك خاطری صایلیر دولترلرندن اولان دولت عثمانیه نك كچوك بر جزیره قارشینده بی حرکت و یا محروم موفقیت طور می اوروپانك تمایلی عصاتك لهنه جلب ایدرهك بیگناهلری قتل عام صورتنده ایقاع اولنان شو قیامك فاعللری اسکی یونان قهرمانلرینك ارواح و خیالاتی حامل مجاهدین حریت کی اعلان اولتمغه باشلاندى . و بر قسم افکار عمومی نك تضییقاتنه روسیه حکومتك تقاضای حرص و غرضی انضمام ایدرهك، ف انسه وایتالیا و روسیه دولتلری طرفندن سلطان عبدالعزیز مرحومه گرید ارباب قیامی لهنده بعض تبلیغات اجرایی موضوع بحث ایدلدى ایسه ده انگلتره ایله آوستریانك تصور واقعه عدم اشتراکی جهتیه تشبث متصور تعقیب ایدیه مدی . شعار متخدی ( لیت لعل ) اولان علی پاشانك نهایت بالذات گریده عزیمتله استحصال ایتش اولدیغی نتیجه معلومدر . تنپورلک سوقیه اووقت گریده بخش اولنان امتیازات، بر مرض مهلكك ماده ساریه سی کی ، شرائط موافقه بولدجه بیویهرك روس محاربه سنك اثنای تحدثنده مدعیات جدیدیه مدار سرد واستحصال اولدی . غازی احمد مختار پاشانك گرید والیلکنده تنظیم اولنان ( حاله پا ) امتیازنامه سیله گرید عصاتی، حکومت عثمانیه واهالی مطیعۀ اسلامیه نك ضررینه برطاقم ( منافع مضره ) تأمین ایدیوردی .

اقوام سائرۀ نك دوش تحمّلنده بر بار ثقیل اولان تکالیفك برچوغلندن

واك اغیرلرندن آزاده وعادتا استقلاله قریب وبر نقطه نظر دن مرّجیح بر حال مسعدتفرماده امرار زندگانی ایدن گرید خرسیتیانلری یونانستانك ربقه حاکمیتته بویونلرینی اوزاتمقده عناد و ۱۸۸۹ سنه سنده یگیدن ایقاد نأرّه بغی وفساد ایتدیلر .

پترسبورغ سفارتندن گرید والی وقوماندانلغنه تعین اولنان شا کر پاشا عصیانی تسکین وتداییر حکیمانه ایله سکون وانضباطی تقریر وتأمین ایتمش ایکن دورسابقك مساوی منویّه سنه واسطه تطمین واجرا اولان بعض اخلاقی طرفندن ارتکاب اولنان خطایایه جورجی پاشانك خیاتی منضم اولمش وبوسبله گریدك زمام اداره سی - یونانستانه قارشی احراز اولنان مظفیریت عثمانیه ره رغماً - یونانی والیرك ایدی تزویرینه انتقال ایتمشدر .

جزیره ده کی اهالی اسلامیه نك محافظه امنیتی ایچون دول حامیه طرفندن بولندیرلمقده اولان عسکرک گله جك شهر افرنجیده گریه آلدیریله جنی شایع اولدیغی زماندن بری افکار عثمانیه ده برطیف اندیشه طولاشه رق گریدك یونانستانه الحاق ایدیله جکندن بحق خوف اولمغه باشلاندى . بو (امرواقع) قارشیسنده حکومتتمزك حرکتسز طوریه جغندن امینز . عثمانیلر (گرید) جزیره سنك طریق برّیسنی پك ائی بیلیرلر . حتی اون ایکی سنه اول او یولك نصفه قدر برتنزه عسکری اجرا ایتمشلر وچكوك یونانستانك بیوك خولیلرینی ، سونکولرینك پارلیسیله قورقومتشلر وقاچیرمشلردی .


ینه بو گرید مناسبتیه اون ایکی سنه اول دوچار اولدیغی نواب و مصائبك هدف نوین ومکرری اولمقندن احتراز ایتزه ، یونان حکومتی ،

کرید بنمدر !

دیسون ! . . .

## بر مقاله دن :

..... یاریم ساعت اول کوپرلی زاده فاضل احمد پاشانک  
 تره سی اوکندن چکوردم . اختیار برآدم ، مستعمل برطاقم کتابلری  
 اومرقد محترمک پیش وجدارینه یایمش ، رزق مقسومک ورودینه  
 انتظار ایدیوردی . مزاره محاذی تیمور پارمقلقدن بریسنه اخیراً  
 نشر اولنان (گرید مظالمی) ایلشدرلمشدی . خلقک ، براز ایگره نیچ  
 گورونن لاقیدلکی اوکنده ، یدتصادفله اورایه قولش اولان بورساله یی ،  
 جزیره نك فاتحنه ویرلش برعرضحال ظن ایتدم .



## (عدن) دن یازلمش بر ملتوبن مستخرج :

عدنده اوزاقدن گوردیکم برمنارده نك منظره یتیمانه سی بنده برچوق  
 تأثرات حزینه حصولنه سبب اولدی . بگا اوپله کلیورکه نجم وهلاله  
 مقارن ویامجاور اولیان هرمنارده بریکسلك آغلار . ایللوستراسیونك  
 استانبولده او قوددیغم نسخه لرندن برنده بر رسم گورمشدم : گرید عصاتنك  
 آطه ده خود بخود یونان بایراغی کشیده ایتلمرینه مقابل ، حانیه لیمانه  
 قریب برمنارده ده بر مؤذن عثمانلی بایراغی چکیوردی .  
 شواکی علم دین و سیاست آراسنده کی توأمیتی اوحمیلی مؤذن قدر  
 هیچ بر دیپلومات بومرته ده بلیغ وموجز ایضاح واثبات ایتماشدر .

شاعر اعظم عبد الحق حامد بک





## شاعر اعظم عبدالحق حاد بک

[\*]

استاد عظیم الشان ،

باشمی دها کترک ئەشیکنه قویەرق براز آغلامق ایسترم . بنی  
بودقیقه ده حضور ابدیت پناهگزه سائق اولان احتیاج گریه، شخصه  
عائد امللرک حزن انکسارندن دکل ، مجروح و معزز وطنک منظره  
تارمارندن متولددر. کاشکی بوزمانلرده یاشایانرعدادانده بولماسه یدم!..  
کاشکی بوندن اولکی زمانلرک هپسندە آیری آیری ئوله یدم ده بوزمانده  
بر دقیقه یاشامیه یدم!...

وطن محبتک اڭ بیوک فضیلت اجتماعیه اولدیغنی بز اڭ اول  
سزدن اوکر نمشدک . سز ضیا پاشا، شناسی افندی، نامق کمال بک کبی  
بیوک و پک بیوک آرقادش لرگزله بوخلقه افضل وظائفی تلقین و تعلیم  
ایتدیگزر. سزه گلنجیه قدر بزده ( وطن ) کلمه سنک مدلول متحیری  
هر کسک ذوق خصوصیسنه و تلقیات شخصیه سنه گوره تبدل ایدردی.  
بش یوز بو قدر سنه هر کس وطنه ایستدیکی معنایی و ایستدیکی شکلی  
ویردی : مثلاً، رندک وطنی میکده عشرت، عاشقک یوردی سرکوی

---

[\*] بالقان محاربه سنک مواجهه اضمحلانده امساک فریاد ایتش اولان

بر قسم ادبامزک سکوت مزمنه قارشى مطبوعات ایله نشر ایدیش اولان  
بر عریضه نك بعض فقراتی بورابه درج ایدیورم . شاعر اعظم بوسطرلره  
وقایع تالییهی تخذشندن اول کشف و اعلان ایدن کوزل بر منظومه ایله مقابله  
بیوردیلر. نشیده جوابیه لری (والدهم) آدی اثر مطبوعلرینک ذیلنده مندرجدر .

محبت، شاعرځ پناه خیالیسی بزم گرما گرم الفت ایدی. آراده یالکز  
وطن آځلاشلمادی. و وطن سولدی. زوالی وطن ! . . . .

فقط بوگون بیله وطنځ حضور احتضارنده لاقید طورانلر  
- آه کاشکی یالکز لاقید طورسه لر ! - سونلر، ټنلر وار. فلاکت  
عمومیه دن اغراض خصوصیه و سائط تطمین چیقارمغه خواهشگر  
و حریص نه قدر آدملر بیلور و گوریورم که او احتضارځ اینلرینی  
نئیلره قلب ایدرځ بر چوق گیزی و کیرلی مقصدلری بونلره تنویمه  
چالشمقدن وجدان و اخلاف حضورنده حیا ایتورلر . . . . .

حرکات مشوشه ایله مثبت صورتنده فالقلر ایدن او عثمانلیرځ  
یاننده بر قسم و طنداشلر واردر که سکوتلریله منفی طرزده مملکته  
ایقاع ضرر ایدیورلر. هرکس طمرلرده کی قانی، هرکس گوزلرده کی  
یاشی، هرکس جیلرده کی پاره یی وطن یولنده ایثار ایتمکه مکلف ایکن،  
بزم اکثریت منوره مز - وطنځ بوکونکی طالعیله همرنځ و همحال  
اولان - بر مایع عاطلځ قطرات خاسره سنی بیله بو مملکتدن دریغ  
ایدیور. ایشه اځ زیاده یأس آور اولان بودر. بوسکوت قارشینده  
امتځ وجدان نالانی الی الابد فریاد ایتسون ! . . .

سزدن صوځره شرقځ اځ بیوک شاعری اولان سعدی

شیرازی نځ نه وقت دیوانی ألمه وحتی نامی یادمدن کجه ،  
صوځ خلیفه عباسی مستعصم باللهځ مقدّرات مبکیه سنه آغلایان ،

## اسمانرا حق بود کر خون بکرید بر زمین بر زوال ملک مستعصم امیر المؤمنین

مطعلی مرثیه مشهوره سنک ابیات ابدگریانی گوزلر مک سرشک ناغنی  
ایقاظ ایدر . حالبوکه سعدی تابعیت عباسیه ده بیله دکلدی . یالکز  
اوزمان اتقراضی ادراک ایتک مصیبتنه اوغرامشدی . طبقی . . . .  
خایر ، سویلیه میه جکم . . . . بعض ساعتلر ودقیقه لر واردرکه یالکز  
سکوتک بیان گریاننه تودیعی راز ایدرک ، مزارلر کبی ، صوصق  
اک مبرم بروظیفه ، بر احتیاج اولور ! . .

شرقدن غربه کچه لم :

پارسک آمانلر طرفدن محاصره سیله تسخیری ، بودیارک اولاد  
متحسسه سنه ، اومصیبتک مواجهه یادنده برر آبدئه تسلیت ومفخرت  
اوله جق نه قدر بدایع صمیمیه ابداع ایتدیردی ! . . . باشلرنده  
سالمدهش شاعر دهاشی ویقتور ووغو اولدیغی حالده ، اودورک  
پیرو جوان بالعموم شعراسنه فرانسز قومی وفرانسز تاریخی مؤبدآ  
منتداردر .

فرانسه ده حسن حسیّت وحماسقی ، اواضمحلال و محاصره ایقاظ  
ایتمدن اولده ارباب ادبی ، حیاتک وطن حضورنده کی وظائفی تقدیر  
وتوقیر ایتشلردی . آمانلرک ( رهن ) حوالیسنه عائد آمانلی ترسم ایدن  
بر نشیده مشهوریه آفرده دوموسه نلک اودرجه ده شهرتیاب اولمش

بر منظومه ایله ویردیکی جواب معلومدر . حالبوکه حس وگریه دن  
متشکل بر شاعر اولان آلفرد دوموس ، وطنپرورلکدن زیاده  
هواپرستلکه مشهر ایدی .

پورتکیز شاعر اشهری قالمونس ک مجله حیاتنده کی صحائف مشاق ،  
آثاری کبی ، نام و یادینی ده مرغوب اعصار و آفاق ایتش وایده جکدر .  
.....  
.....

فقط ای استاد مبجل! عبدالحق حامد کبی بردهای مستثنای انسانیت  
منورهیه اهدا ایتش اولان بر وطن ، ینه عبدالحق حامد ک گوزلری  
وسکوتی اوگنده می جان ویرسون ؟..

سزکه بیوک بر قومک خوابیده فتور اولان قابلیت ادبیه سنه شهبال  
دهاگزک خنیف بر ضربه سی ، برلمسه سیله فک مژکان انتباه ایتدیردیگز ؛  
سزکه قوجه بر امتک سویه عرفان وادبی حسیضدن أوجه توجیه  
ایتدیگز ؛ سزکه ملتکزک تمثال مآثر ومفاخرینه شاهقه لردن قاعده لر  
حاضر لادیگز ، حضور تأثرگزده قویان بو قیامت سکوته بر توقف ،  
بر سکون امر ایتیه جکمیسکز ؟

یاغسون نه سی وارسه کائناک ،  
لکن بو درین سکوت دینسون !..

دیین سز دکلیسکز استاد !..

حیات سیاسیه سی بیتمش اولان اقوامك ادبیاتی یتیم وعقیم اولور.  
 سز اوتوز سنه اول فاتحله یاوزه - زیر سقنده منتظر انفلاق آخرت  
 اولدقلری قبه لردن دها بیوک ودها پایدار - برر تربۀ منظوم بنا  
 ایتشدیگنز . بوگون استانبولك سورلری اوکنده تحشد ایدهرک  
 اومقابر مبارکویه هجوم ایتك ایستین لشکر قدر اهانتکار بر کتیبۀ  
 نسیانده سزك ابداع ایتمش اولدیغکنز مراقده منوره یه آمادۀ صولتدر.  
 اوتربه لره آجییگنز . وبودیعه لره قیاییگنز ! ..

. . . . .  
 . . . . .

مبارك قلمگنزك صریر حیات افشانی برگره دها بو خلقه  
 ایشیتدیرهك مملکتك عناصر منوره سنی بر نقطه ده جمع وتوحید ایدیگنز.  
 وهر مبتلای ضلاله دیگنزکه :

تشو شات حاضرۀ ملیّه نك کتیردیکی تهلکه پک بیوک  
 وبوتهلکه نك سور وکلکده اولدیغی نتیجه پک یاقین در ! ..

سیمان نطف



اسانول گلپور



## استانبول اگنیور!..

۲ اگستوس ۱۹۱۳

دره یفوس مسئله سی فرانسه نك لوئیات اجتماعه سنی بر بر تشهر  
ایتدیکی صیره ده برسوسیا لیست - غالبا بدبخت رکیانك محب عالمجنایی  
شوره س - او محشر رذائل او کنده تهوره قیام ایده رك :

اگر فرانسه هیئت اجتماعیه سی نودرجه ده فساد اخلاقه  
دوچار اولمش ایسه ، انقاض ملوئه سی یکی بر هیئت اجتماعیه  
تمل اولمغه بيله یارایه میه جقدر . [\*]

فریادیله مملکتنك سیای ذلته توکورمشدی .

برغیظ نجیب ایله سویلنمش اولان بوسوزك فرانسرلر ایچون نه قدر  
طوغری اولدیغنی بیلمم . فقط بوصیره ده کوکدن بزم حال وشانمزی  
مفسر بر آیت اینمك امکانی اولسه یدی ، او کلام سماوی ایله بو ادعای  
خاکی هم حکم وهم مآل اولوردی . بوگا یالکز حس وحا که ایله  
دکل ، مشهودات ایله ده واقف وقانم . وثائق قناعتمدن برینی ابراز  
ایدهیم :

دون آقشام تپه باشی باغچه سنه گیتمشدم . قرقی ، الیمی ، آلتشمی ،  
نه قدر اولدیغنی بیلمدیکم و صایمادیغم ایتالیاندن متشکل بر موزیقه جی  
سوروسی - ایتالیانك الری ووجدانی کی - قپ قیرمزی لباسلر

---

[\*] Si cette société est à ce point corrompue, ses débris immondes ne pourront même pas servir de fondement à une société nouvelle,

کینمش ، باغچه نك اورتہ سنده کی محل مخصوصہ متوالیاً گورولتو  
ایدیورلردی . طرابلس غربك ، بنغازینك ماجرای ابدنالانی اونودلمش ،  
هرکس مسعود ویالکز ماضیدن دکل ، حالدن واستقبالندن امین ،  
ایتالیان چالغیجیلرینك - آفریقای عثمانینك خون معصومیله ژنگدار -  
ألرنده باغیران آلتلردن مترشح اذواق ونشودیه گوناگون مایعلردن  
تقطر ایدن سکرلر قاریشیور . آرادہ بیکانه ومنسی طوران وطن ،  
یالکز وطن ... بودقیقه ده گوزلرندن یاش وجریحه لرندن قانلر آقان  
بدبخت عثمانلی وطنی ...!

آفریقا واوروپاده کی صوڭانقاضمزدن یوکسلمکده اولان اینلرک  
هپسینی بو ایتالیان موزیقہ سی صوصدورمش ، بوغمش ، استانبول  
تپہ باشنده اگلیور!..

آه او زمان برکره دها کوردم وایمان ایتدم که بو کیرلی ییزانس  
خرابه سنده هرشی ساخته وهرکس یالانچیدر ! وطن ، حمیت ، ملیت  
کبی کلمات مبارکه نك قیم وماهیاته مدلوللریله دکل ، یالکز گتیره بیله جکی  
نقود واذواقك مقداريله حکم اولنیور . هرکس کندی هوی وهوسنه  
خدمتکار ... هرکس کندی مشتهیات نفسانیه سنه وسائط استیفادن  
بشقہ بو طور اقدن برشی ایستمیور و بکلمیور . ایشته اوزمان بیوک  
ژورہ سک بورع دین سوزلری حافظه مده چیغلقلر ، وایلا لرله اویاندی .  
ایکی ألی یوزمه طوته رق ،

— آمان یار تپی!.. انقراضدن اول بزه بر پارچه حس و برازده

حیا احسان ایت!..

دیدم .

أوت ، اللهم !... اذعاندن ، عرفاندن ، مصیبتلرک گتیردیکی  
وگتیره جکی تجربه لردن متولد رویتدن ، بصیرتدن ، هرشیدن واز  
گچدک ، بزه یالکیز حیا وحس ویر !..

گوزلرمی بو محشر لوئیات اوکنده قاپادم. نظر تخطرمی آنا طولییه  
چویریورم. صوڭ غروشنی و صوڭ اولادینی شمانجفک و فاسز روم ایلمنده کی  
صوڭ طوپراقلرینی محافظهیه گوندرمش اولان دیارک مناظر خراب و نالانی  
بربرر گوزمک اوکندن گچدی. امراض گوناگونک دندان بی امانیله  
کیمرلمکده اولان او قری و قصباتمده کی بازوان زنده روم ایلمنده کی  
اردولره آلمش ، تارالارنده علیل ورعشان اختیارلرله حامل و ناتوان  
قادینلر ، مفتور و بی تاب ، چالشیورلر . طوپراقده انسان گبی غذا  
ودوا ایستر . آنا طولیده کی انسانلر گبی طوپراقلرده غذا و دوا  
محروم ، آشنمش ، یورولمش ، چورومش ، بودقیقهده سفالت عضویه  
ایله سفالت ترابیه آل اله ویرمش ، دواثر مرکزیه نك صاری بویالی  
لاقید و بی حس دیوارلرینه یالواریورلر .

یوللر باقیمقسزلقدن برزمهلسکه اولمش ، طرق مناقله حیوانلرک ،  
مجاری میاه تارالارک قاتلی و مقتلی در . کندی گوزلرمله کوردم :  
یاغمور دعاسنه چیققدن اوچ گون صوڭره مزارعی صو باصاردی .  
اومناطق اوقدر تارمارکه باران رحمت ، فیض و برکت قدر سیل و آفتی ده  
حامل ! ...

آنا طولی طوپراقلرینک عروق فرسوده سندن زحمتلر ، اذیتلرله  
قوپاریلان مدارزندگی ده اولادینه قسمت اولیور . تپه باشی باغچه سنده کی  
ایتالیان موزیقه سی دهان حرصی آنا طولینک ینبوع مساعیسنه طیامش ،  
هردانه نی وهر آچیه نی یوتمغه چالشیور .

برکتر از اولان يرلرنده بيله آچلق، سفالت، اميدسزلك آغلایان  
 آنا طولينك بوسكوتی البته چوق سورمز. هر شيئك اولديغی گبی توكل  
 و تحمك ده بر حدى واردر. و اوده برگون البت اويانير. استانبولك  
 هوا جس اذواقپرستانه سنه واسطه استيفا اولمقن بشقه برشی اولديغی  
 اوگر نه چكى زمان - كهك اوزاق دكل در - اوگا يكي و مقاوم تشكن  
 بر تاب صولت كله جكدرد. حقوق و وظائفقن خبردار ايدلش اولانلر ده  
 حاصل اولان قدرت متهوره قيرماز، قيرار. حثك سلاح اقدسيه مجهز  
 اوله جق آنا طولی، البته بوغافل و متعظم پاتختك قارشيسنه ديكيهرك  
 اوندن حساب ايستيه جك و آله جقدر. بوطلب واستحصالده گوستره جكى  
 سپای عزمك، اولكيلر كبی نیازكار عدالت دكل، اشئماز آلود  
 تهديد اوله جفته شمديدن امين اوله بيليرز.

فقط گوكل ايستركه او حساب ايسته نمهدن بوحق ويرلسون.  
 بوگون تپه باشنده كي ايتاليان موزيقيهنی بسلمك ايچون نسوان ويرانی  
 چالشديران آنا طولينك دست توكل و تحمكندن فيرلايه جق مشته  
 ناكهانی، طرابلس غرب ايله بنغازينك اينلرندن متشكل نغمات ايله  
 پرغشی صفا اولان بينلری باطلاتمهدن اول، بومغرور و عنود حساب  
 قانلميدرد. عقل وبصيرت بونی ايجاب ايدرد.  
 عقل وبصيرتمی؟ ... هيپات! ...

## چاق قلمك استانبوللى شهادنه

۶ كانون اول ۱۹۱۵

يوقاريدىكى سطرلرى يكرمى سكرز آي اول يازمش ونشرايتمىشدم .  
 وطنمك او وقتكى يأس وحاليه بر قسم استانبولليلرك تغافل واهمالى ،  
 برچوق گوكللر گي ، بنمده قلمده-نوبت بنوبت نالان وجوشان-  
 برمحشر انفعال بوليوردى . بوسطرلر اوتائراتك — اوزمان مشكى ،  
 بوگون محجوب — بر معكس اينى در . اكر روح كبريا قرينگزى  
 اينجيدىك سوزلر سوادى آره سنه قارشمش سه — ايشته دودست  
 استغفارمى سزك صوك نظرلريگزى بلع ابدن افقلره طوغرى رفع  
 ايدىيورم — بوگنهكار قلمى عفو ايدىگز ! وطنمك تخنگاهنى ،  
 قلمگهنى ، استانبوله قورمش اولان اللهك بارگاه عنايته بر كره ده  
 سزك وساطت آسمانيگزله اعلاى شكران ايتك ايستم .

استانبولك بيلم قاج سندن وقاج عصر دنبرى خوابيده سكون  
 اولان روح نجيبى سزده بردنبره اوياندى . يارادان اللهى بوبلده  
 موعوده ي ترك ايله اسلامه هديه ايدر كن سورلرى اوگنده ئولش  
 وئولديرمش اولانلرك بك اصيل ، بك مرد و بك متكامل اوغللرى  
 اولديغكزى بو عالمه قانله ، شانله گوستردىگز . استانبولك آفاق  
 كبودندن طاشان گوزللكلر قارشيسنده آچيلمش وياشامش اولان  
 گوزلريگز ، حربك و اولومك قىزل و سياه افقلرى اوگنده هر قاپاندقچه

عرقز و تارنخمز یگی بر فجر شرف قازاندی . سز که حیاتی و حظوظات حیاتی هر کسدن زیاده گورمش و طانیشدیگنز ، اذواق عمری سومکه هر کسدن زیاده مستحق ایدیگنز . حالبوکه وظیفه حضورنده اڭ بی تردد ئولن ینه سز اولدیگنز .

نامگزده شانگنز کی مخلص اولسون ! ...

بوگون استانبولده نه قدر کبار و مآتمدار عائله واردر که صدمه ضیاعگزله مؤبدأ قیریلان گوگلرنده متوکل ، حمل ، صبور ، مہیای انکشاف قهرمانلق و فداکارلق حسلرینک هیچ بر ذره سنه خلل کلامشدر . سزک دوشدیکگز افکاره حزن و حسرتله مرکوز اولان گوزلرک قطرات تلهفنده بیله برغرور سماوی مندیج بولنیور . اونلر بومملکتی بوندن صوگره دهها زیاده سوه جکلردر . چونکه اڭ زیاده سودکارینک بومملکت یولنده جان و یردکلرینی گوردیلر .

ای شہدای مبارکه ! ... ای بو وطنک تاریخنده و قلبنده الی الابد یاشایه جق اولادی ! ... هر ساله و سلسله سی بشقه بر ماتمک آشنای ابد محزونى اولان آنا طولی ، بوگون سزه و سزک استانبولگزم شکران حیران ایله متوجہدر . آل عثمان پادشاهنک پایتختنه گوکسلرینی سپر ایتک ایچون گوندردیکی اوغللری و اونلرک ئوللری ، قالانلری او پایتختک قبولری اوکنده سزک آرسلانلر کی دوکوشدیکگزم شہادت ایتدیلر .

شہرگزده نامگز کی مؤبد اولسون ! ...





محمد بن محمد ده



## چمن تپه ده

ياشلىرى يىگرمى ايله يىگرمى بىش آراسىنىڭدە ئالتى آرقاداش ايدىلار .  
 وطنىڭ ، كىندى حياتىنى ادامە ايچون اولادىنىڭ حياتىنى سىنجاڭ ئالتە ،  
 سلاح باشىنىڭ دعوت ايتىدىكى تەلەككە گونىنىڭدە ، مداوم بولندىقلىرى مەكتەبلىرى  
 ترك ايدەرك ، ضابط نامزدى اولغە شتاب ايتىشلردى . يەنە جەڭدە ،  
 مالتەپەدە ، ارن كوينىڭدە . مەڭن اولان تەلىم وتەدىس دورەلرەنى اتمام  
 ايتىدىلار .

وچىناق قەلئە يە كىتىدىلار ....

استانبولى استىباد جەھان آزارىنە رام ايتىڭ ايسىتىن خودپەست  
 انگلترە ، ھەرواسطە قەھر وتخريى بومبارك پاختىڭ قەبۇلرەنە ھوالە  
 ايتىشدى . گونك بىرەنە چمن تپە اوڭنە يىگرمى انگلېز زەرھلىسى گەلدى .  
 ودقەڭدە بىك اوچ يوز آلتىش مەرى سەپىن ايكى يوز قىر قىر طوپى  
 ساعىتلەرچە بوموضە توجىيە ايتدى . كونش آفاق مەڭمە سەندەن ھىچ  
 بىر دىققەت كىسىلمەن انگلترە ، مەڭرور وەنود غىظنە بوچۇڭ تەپەنى ھەڭ  
 ايتىش ، تاۋاڭدەن باشلايەرق ساحلە و قەرىيە قەدر امتداد ايدەن بىر دائىرە  
 مەتوالىآ آتەش و اولوم ياغىدىرىيوردى .

ھۇجۇمە ، مەدافەيە ، تەڭھەڭ مەكانسەز قىلار تەسلىط ايدەن بو شەت  
 بى امان اوڭىندە تركك عەزىم رەزىمە انسانك ھەڭ ھەت ھەت بىر قىچ  
 دىققەت مەڭدەلە ايدەركى اولدى . تەپەيە ھەڭ ھەڭ بىر ھەڭ ھەڭ اولان

دشمنی ، هر نه صورت له اولورسه اولسون، اسکی موضعلرینه آتمق لازم ایدی. و بر آن تر دد، ترکک بوتاریخی پایتختی، بو عرش اسلامی - نعوذ بالله! - ده ویریه یلردی . منطقه نك قوماندانی انك تهلكه لی نقطه ده بولنان بر آلايك سپرلرینه طوغری ایلرلیدی. و هم رجا، هم امرایدن بر سسله،  
 — بو آلايك یرندن اوینادوب دشمنك اوستنه آته جق

ضابطلریكز یوقی ؟..

دییه باغیردی .

وطنك، كندی حیاتی ادامه ایچون اولادینك حیاتی سنجاق آلتنه، سلاح باشنه دعوت ایتدیكى تهلكه گوننده ضابط نامزدی اولمغه شتاب ایتمش اولان او آلتی گنج، وجدانلرندن صدور ایدن براراده سنیه ایله آرتق شهید نامزدی اولمغه ترفیع نفس ایدیورلردی . بر آقشام اول یازوب بسته لمش اولدقلى شرقیه ...

بو طوپراغی ترسكك قانی یوغوردی

آنه م بنی بو کون ایچون طوغوردی

شرقیسنه بر آغردن باشلایه رق سپرلردن طیشاری فرلادیلر .  
 بو اشارت او عسکرلر ذاناً مهیای تهیج اولان حماست فطریه سنی جوش و خروش ایتدیرمه کفایت ایتشدی . هپسی آنی و متحد بر صولتله ایلری آلدیلر . و او آلتی کنجك مبارك نعشلى اوستدن - اوت ، آلتیسه ده شهید اولاشدی ! - ایتدکاری هجوم ایله انگلیزلر  
 یدنده کی موضعلى استرداد ایتدیلر ...

معلم سراج الدین بگك شهود ماجرادن بالذات استماع ايله حیران  
وگریان نقل ایتدیکی بومنقبه جلادت اوکنده ادراکم ، محاکمه ،  
حسم ، خیالم دوچار اهتزاز اولدیفی دقیقه دن بری هیچ برشیئی امکانسز  
کورمیور ، هیچ بر ادعای رد و تکذیب ایده میورم . انسانیت قاتله  
ذکاسیله بیکلرجه سنه ویا عصر ظرفنده ایجاد واکال ایدیلن هر سلاح  
تعرضات ، چناق قلعه ده کی عسکرلر مزك گوکسلری اوستنده قیرلدیغی  
گوردیکم وایشیتدیکم گوندن اعتباراً ، بر مجله ریاضیه نك صحیفه لریله  
بر رساله اساطیرك سطرلری قناعتمه عین اطاعتی امر ایدیور . ترك  
عرقك ، عثمانی و طنت ، محمد امتك بوالتی گزیده شهیدیه اولرك  
اولن و قالان آرقادسلری گوزلر مزك اوکنده بر تاریخ اساطیر ...  
بر تاریخ موثوق اساطیر یاشاتدیلر . و بونلر منفرد فداکارلر دگدرلر ؛  
ماجرالری ده منفرد وقعه لر دن اولمادیغی کبی ! ...

أولومه قارشی وقور برجهه ، مغرور برسینه ايله شریقلر او قویه رق  
ایرلین بو حفیدلرینك داستان حماستی ، آلتی یوز سنه اول  
**سیمان پاشا** ايله برلکده اوایلرله ایلک دفعه آفاق باصمش  
اولان ترك دلاورلرینك ارواح مباهاتنه نه لر الهام و اهدا ایتدی  
بیلیم . فقط دنیا ايله آخرت آراسنده اگر بر رابطه تحسس و ارسه ،  
اوطور اقلرك آلتنده کی غلغله تحسین و آفرین ، اوستنده کی ولوله غیظ  
ونفرینه البته و البته غلبه چلمشدر ! ...

ای وطن داش ، ای قارداش ! .. چمن تپه یی اونوتما ... چمن تپه یه  
مدت عمر کده بر قاچ حج تقدیس و حج شکران بورجك اولسون ..

چمن تپە نك صمت تخطرکاری ، مؤبدآ صوصمش اولان اوشهدای  
معززە نك ئولوركن اوقودقلری شرقی قولاقلر كده ووجدانكده  
دائما تكرار ایدە جكدر . بن بیله بوسطرلری یازاركن ،

— پایتختمز امین اولسون ، بز چمن تپە نك سرمدی

بکجیلری یز!...

دیین سسلری ایشیدیورم!..



# استان بول برزم ابدی یا بخت

وطن عافیت کبی در، قیمتی  
انجق کیتد کدن صکره پهنیر.





## استانبول بزم ابدی پایتخت

بالقان محاربه سی ملکتمزده حشر مصائب ایدرکن ، افکار  
وانظارده کی اختلاف وتردد کافی دکلش کی ، اور تہیہ وقت سز ، لزوم سز ،  
مناسبت سز بر مسئله دھا آتلشدی : طالع حربك بلغار حدر دینی استانبوله  
فوق العاده تقرب ایتش اولسی گویا بولده یی آنی بر استیلانك تهدید  
دائمیسی او گنده بولندیر ییورمش ، وبو مصیبتك تحمّدت نا گھانیسندن  
توقی ایچون پاختی آناتولینك ایچ طرفلرینه نقل ایتك ضروری  
ایمش ! . . .

بن بو قیل و قالی او وقت حزن واستکراه ایله تلقی ایدنلر میاننده  
ایدم . ایستردم که بر صاحب حمیت میدانہ چیقہ رق ، سسنگ هر قابلیت  
فریادیلہ ،

— اکر استانبول تہلکہ دہ ایسہ پاختی دکل ، حدودی

اوتہ یہ قالدیر مق وظیفہ ملیہ مزدرا !

دیسون . وعمومك مواجہۂ ضالاندہ بر قیامت تقییح قوپارسون ! ..

فقط بو ہیچ بویلہ اولمادی . اودورك واو حالك اعصاب مصابمزه  
ایراث ایتش اولدینی فلج ذلت او گنده بو مسئلہ دہ یاواش یاواش  
اهمیتی غائب ایدیور و . . . . طرفدارلردہ بولیوردی ! ..

یاشادینی طوپراقلری خیالیر ، احتمالیر اوکنده ترک ایدنلر ، یالکنز  
برشیدن امین اوله بیلیرلرکه اوده دنیانک هیچ برطرفده حر و مسقل  
یاشامق حقنی هیچ برزمان محافظه ایدمه جکلری در ! . .

حضرت محمدك امّنه و سلطان عثمانك ملّنه عصرلرجه اوّل  
اشارت ایتمش اولدینی بو بلده طیبّه ، بوقسطنطیّه ، بو اسلامبول ،  
بو استانبول بزم ابدی پایتختمزدرد !

ای مسلمان اولادی ، ای ترک اوغلی ! . بو گوزل شهرک بی بدل  
سماسنه طوغری بر مصرع برجسته شکنده یوکسلمش اولان مناره لره  
دائما شفقت و حرمتله متوجه اول . شرفه لرندن طاغیلان اذان سسلری  
اوکنده آق صاحلی ننه لرک گوکلره آچیلان اللری اللهدن بزم ایچون  
گونده بش کره استدعای سعادت ایتمه درت یوز بوقدر سنه دن بری  
مداومدر . موجود ویا مخیل هیچ بر سبب ، عزم رزمکه تردد  
ویرمسون . بو دیارک مناره سز و مناره لرک اذان سز قالمسنه قائل اولما .  
و محقق بیلکه استانبول مناره سز و مناره لر دانسز قالیرسه هپسی یتیم  
اولور . وهپمز یتیم اولورز ! . . .

فصلی، مبحثی ...



شو براق سطرى آشاغیده کی ( موصل مکتوبی ) نك ساق  
تحریرنی تعیین ایچون یازیورم :

( دینم کیمدر ! ) سوزی انک اول بنم لساندن صادر اولدی .  
ایلك سویلندیکی زمان شخصی عاذهیچ برانفماله توجه ایتامش اولان  
بوایکی کله ، بالقان حربنك شوقوجه پادشاهلنی تملدن صارصمغه  
چالشیدنی بر زمانده ، او زلزله نك اشتدادینه بیله رك ، بیلمیه رك  
خدمتکارلق ایدن اعدای داخلیه و خارجیه توجه خصومت ایتشدی .  
نفسه راجع غیظ و شکرانه ترجمان اوله بیله جك سوزلرك مواجهه  
عامده ذلت تقوی بنندن دایما اوزاق اولسون !..

نامق کمال بك مرحومك، هر وجدانه نقش و حك ایدلمكه لائق  
بریتی واردر . عرق و وطنك امیدخده ، خسرانی ده عین بلاغت  
مشعشه و صمیمیه ایله ترتم ایتش اولان بویوك ترك ،

باعث شکوی بزه حزن عمومیدر کمال  
کندی دردی کو کلمک بالله کلمز یادینه !..

دیور . بوبیت وجدانلرمزك ناظم حب و غیظی اولسون .  
بیوك یاوزك ، اجلال و اقبالنی اعاده ایله استانبوله کتیردیکی  
تحت خلافتی ، ینه اوملعون بالقان حربی اوچ سنه اول قیرمغه تصدی .

ایدركن ، روحی ده نسی کبی اصیل و پك نجیب بر شهزاده سی بر لوحه  
معیندار ابداع ایدرك ، زیرینه کندی قلمیله ،

اونوت فاکت شخصیئک مسبنی ،

فقط حقارتی عفو ایتمه والده ک وظمه !!

یتنی یازمشدی . بو شاهانه بیت ، کرک نسل حاضر ، کرک بطون آتیه  
اولادینک اذعان و وجدانه تلقین ایدیله جک الک بیوک دستور اخلاقی  
و اجتماعی محتویدر .

شخصه متعلق بعض فضائل واردرکه وظائف ملیه یه ارجاع  
ایدلده فضایح و اهانت اولور . مثلاً ، لطفی گورمش اولدیغمز  
بر آدمه قارشی حس مننداری بسامک بر بورج ، بر وظیفه در . فقط  
او خدمت ، بزم طوغریدن طوغری یه موجودیت فردیه مزه دکل ،  
هرهانکی بر لزوم و سبب سیاسی و یا سائق دیکرله وطن و ملت مزه ایفا  
ایدلمش اینسه ، مملکتک منافع حیاتیه سنی او خاطره یه الی الابد مربوط  
و مملوک بولندیرمق نامناسب و مضر اولور . هرشی گبی علو جنابکده  
بر حادی واردر . بز یالکمز نفسمزه عائد حسیات و وظائفک حاکم  
و خادمی اوله بیلیرز ؛ تمایلات ملیه یه تحکیم ایتک بزم حدود اراده و حدود  
صلاحیت مزک خارجنده در . خایر ، بز اوکا حاکم دکل ، خادم اولملی بز . ملتک  
آمال و منافی بزم وجدانلر مزده ، لزومنه و زمانه کوره ، حلیم و متهور ،  
کریم و منتقم ، مطیع و سرکش حسلر و عزملر بولملی در . عثمانلی تاریخی  
بزم دشمنلر مزی ده ، دوستلر مزی ده برر برر صایار و کوستر .

( دوستلر ) می دیدم ؟ ... هیهات !!! ...



## خصومتی ، محبتی ؟ ...

نیدوی خرابلرندن ، ۲۵ شباط ۱۹۱۵

رفیق معزز ،

دنیاڭ هر یرندن وهر کسدن اوزاق برکوشه سنده یم . احتوا  
یتدکلری حوادث و مباحث ، تاریخه مال اولدقن صوگره غزته لرله  
ساله لر بورایه گه بیلور . جلال نورینک اجتہادده انتشار ایدن (شیمه  
خصومت) مقاله سیله سنک اوکا اولان جوابکده بویله اولدی . یعنی بشقه  
طرفلرده کی قارئین عثمانیه بویکی مقاله نفیسه یی اوقویوب اونوتدقن  
صوگره بز انتشارینی خبر آله بیلدک . بوراده مکانک ایجابی اولان  
حوال ، مملکتیمزک هر طرفده آز چوق واقعدر . فقرایه تصدق  
یدیلن لباس کهنه کی ، جهان تمدن ده مآثر فکریه سنی اسکیتدکن  
صوگره بزم دوش اطلاعمره آتیور .

فقط بن شیمه خصومت و محبتہ گله یم :

(خصومت) کله سنه (محبت) سوزیله جواب و یرمک پک قولایدرد .  
لکن پک زیاده تأسف ایدرم که سن بوم بحثده بلاغت صائله کی بیوده  
سراف و اتلاف ایتمشسک . جلال نورینک وجدان عثمانییه تلقین  
ایتمک ایستدیکی خصومت ، قرون و سلطانک انقراض اذعانی عصر  
حاضرہ نقل ایتمکه چالشان بوگونکی اوروپانک حتمزده کی انظار  
و تلقیاتی استهداف ایدیوردی ، مدنیت حاضرہ نک عرفان هر دم  
ترقیسنی دکل . خلقه خصومت تعصبکارانه وعظ ایتمک (تاریخ  
استقبال) مؤلفی ایچون نصل قابل اولورکه ، الک متحکم احکام

عقیده یه قدر، هر شیده اساسلی بر تجمددك وجوبنی بزده اك زیاده اعلان ایدن اودر .

فلاكت حاضره مزك نتایج مهلكه سنی تبعید وتوقیف ایتك ایچون ملت مظلومه جه توسل ایدیهك تدایر جدیه آراسنده غیظ وکینه ییوك بریر ویرملی و بونی متادیاً تمیه ایتلی یز .

( شیمه محبت ) مقاله سنده تعداد ایتدیکك مثالرله احتجاج ایتدیکك دلائلک هیچ بری قناعت متقدمه می تعدیل ایده مدی . و یقتور هوغو فرانسه نك حیات و منافعه تعلق ایتین مسائله اقوام سائر نك محب عالیجنابی ایدی . آتیش یاشنده ایکن ( بن طریق حیاتده قطع مسافات ایتدیکه ده ساده لشیور و گیت گیده عادتاً بتون انسانیتله وطنداش اولیورم ) دین سال مدش شاعرینك یتیش یاشنده ایکن یازدیغی منظومه لرله آلمانلره نه قدر رعود غیظ و غضب یاغدیرمش اولدیغی البته بیلیرسك . او آلمانلره که فرانسه یه هجوم ایدرکن بزم بالقان دولترندن ده حقسز دکلدیلر . بونی بالخاصه شاعر لرمن دائماً خاطرده طوتملی درلر .

لورد بایرون بر چلغین ، بر مجنون ایدی . سرگذشتل آرقه سنده سرسریانه قوشارکن قدر ، اوکته بریونان عصیانی چیقاردی . اونك افراد واقوامدن هیچ کیمسه یه محبتی یوقدی . اصالت در بدرینی نعمتلك هپسینه غرق ایتیش اولان طالعه قدر ، هر شیه و هر کسه اعلان خصومت ایتشدی . جلال نوری تلغین بلندی نه بودیوانه یی هیچ لائق کور ماملی ایدی . لورد بایرونی و یقتور هوغو ایله غین سلسله تقیحه بند ایتك کناهدر .

گو جنمہ قاردش ! . . بن سنک مقالہ کی او قورکن بر عجیب  
موعظہ دیگلیورم ظن ایتدم . شخصہ اولان محبت منزلکم منسوب  
بولندی ہیئت اجتماعیہ تعلق ایدن نفرت من آشاغی اولیان تولستوی  
مزارندن خورتلا یوب دہ سنک جفال اوغلکدہ کی دارالمساعیکہ  
گلہ بیلسہ یدی ، بز ترکلرہ بوندن زیادہ و بوندن بشقہ بر شی  
سویلز دی .

نہ دیمک !.. بر قوم دیگر بنم پک زیادہ عزیز اولان ملیتہ ہجوم  
ایتسون ... اجداد مک میرات اقدسنی چکنہ سون . . . انسانیتک آلتی  
پیک سنہک مک تسبات حقوقہ سندن قومک حق استفادہ سی اولمادیغی  
ادعالیہ بودعواسنی دول معظمہ دینیلن محکمہ ظالمہ یہ تصدیق و تقدیس  
ایتدیرسون دہ بن ینہ وجدان و اخوانی غیظ مقدسندن تحذیر  
ایدہم !... اگر انسانلق بوایسہ بن حضرت آدمہ قدر بتون نسبدن  
استعفا و تبری ایدرم . تاریخی دشمنلرمہ قارشی خیرخواہ بر انسان  
باشامقدن سہ وطن و ملتک انقاض پریشانی حضورندہ دندان انتقامی  
کوسترن بر جانور اولمغہ راضی یم . خلقک معنای اشرفیتی ، فلاکت  
ملیہ نامہ عالیجنابلق ایدن انسانلرہ ہیچ بروقت شامل اولہماز  
جودت !..

ژاپونلر اجانبندن یسدکلری ہر لطمہ ظلمک تاریخی آلمق ایچون  
یمیلر ایدرکن دشمنلرینی عدل الپینک یداحقاقی صورتندہ نہ گوردیلر ،  
تہ کوستردیلر ! یکر می بوقدر سنہ اول مملکتلرینی زیارت ایتمش اولان  
بیوک و بوگون دہا بیوک براجنبیہ مہتور بر سامورایک نہ یولدہ معاملہ  
ایتمش اولدینی ، ہر کس گبی ، سنکدہ خاطر کدہ اولسہ کر کدر .  
اوژاپونیالی فرد نجیب ، روح ملینک اودقیقہدہ کس جسمانیت ایتمش

کین متهیجی ایدی که اون بش سنه سوکره کی نشیده ظفرک مقدمه سنی  
ترتم ایدیوردی . [\*]

**حضرت محمد اکصاحب گزینی**، معاصر اولان اک بیوک ایکی دولتک برینی  
تماماً و دیگرینی قسماً زیر و زبر ایدرکن اک زیاده غیظ و کین و یالکزی غیظ  
و کین ایله مجهز ایدیلر. و قرآن عظیم الشانک (لا تتخذوا عدو الله اولیاء  
لکم) نص کریمی او کتیه مظفره نک حرکاتی تنظیم ایدیوردی .  
اللهک بو کتاب مستطابی مؤمنلرینه محبتدن زیاده شیمه خصومت امر  
و تلقین ایدر .

دشمنلره عفو و شفقتله مقابله و معامله ایتکی توصیه ایدن آیات  
انجیلیه دن بیلله مسلمانلر علمهنده مواظ قتل و احما ترتیب ایدن پاپاسلرک  
یداحتجاجنده - نعوذ بالله - بزم کتاب میمنز اولسه یدی نه لر ونه لر  
پامازلردی !! .. معهود بالقان قرالنک اردولرینی اوروپاده قالان صوک  
مسلمانلره تسلیط ایدرکن سویلدیکی سوزلری اونو تمقدن دها بیوک  
برخطای ملی وارسه اوده بوتقو هات خصومتکارانه یی اونو تدریمغه  
چالشمقدر . بن سنی بوندن تحذیر و تنزیه ایتک ایسترم جودت !  
فلا کتر مزک مواجهه کریاننده بی خصومت طور مق ، لاقید قالمقدر .  
الله بو ذلتن ، سن ده داخل اولدیغک حالد ، بالعموم افراد قومیزی  
محافظه بیورسون !! ..

طریق تمدنده ایلرلیه مامش اولدیغمز ایچون عالم نظرنده مردود  
و مقهور قالمش اولدیغمزی سویلدورسک ، آوروپانک ایتسام شفقتی

[\*] شیمدیکی روس چاری ایکنجی نیکولا ولی عهد ایکن ژاپونیا سیاحتنده  
برژاپون ضابطی طرفندن قلیجله یازله لاشدی .

اوگنده هر عارسزلفی ارتکاب ایدن قره طاغیلر عجباً بزدن دهامی مترقی  
ودهامی انسانیتپرور ایدیلر ..

ابقاء الله علی ما لله دستوری - دائماً علیهمزده اولمق شرطیله -  
قاج ، قاج کره دوچار تغیر اولدی !!  
اونو تیهلم که بوگونکی نکبتیزی بیلیم هانکی چارک تعصب  
و خصوصتندن زیاده آدینه ، ( فاتح ) صفتی علاوه ایتدیکمز بر پادشاهمیزک  
شیمه محبتی احضار ایتشد .

مادام که ( اجتهاد ) کُ حرّ برکسی اولدیغنی اعلان ایدیورسک ،  
او موقع ارشاده بنمده صوت ضعیفه رخصت انکشاف ویر . یرده ،  
گوکده ، جنتده ، جهنمده ، هر زرده اولورسم اولهیم ، نار مقدسک  
تطمین اولنه جنی کونه قدر بتون قان و طوپراق قاردشلمه ( غیظ و کین )  
توصیه ایده جکم . اوغلمه و اونک اولاد واحفادینه ده وصیت مؤ بدم  
بودر ، و بو اوله جق !!!

بوندن بویله ترک آنالری ، عثمان ایلنک خاک گریانی اوستنه قویه جقلری  
هر ثمره حیاته اڤول فجایع ملیه یه عائد ماجرالری حکایه ایتسونلر .  
و یاورولرینک بشیکلرینی صالارکن نیلرینی قفقاس طاغیریه طونه  
وادیلرنده و طرابلس غرب و بنغازی چوللریله مریج وادریاتیق ساحلرینده  
قالان ثولولرمزک صوڤ نفسلریله بسته لسونلر !!!

سلیمان نطف



سوللی پرووونک ایکی نطوری





ذكي وحساس فرانسه نك زاده اعصار اولان سامان عرفاتى  
 اون طقوزنجى عصر دن يگرمنجى يه نقل ايدن اك بويوك شاعر لرندن  
 سوللى پرودوم لك ايكي منظومه سنى ، ترجمه حرفيه لريله برلكده عينا  
 يوحيفه لره نقل ايمه دن شو كتابى قايماق ايستمدم .

سوللى پرودوم لك يتمش سنه يه متقرب اولان مدت حياتى ، برى  
 شخصى ، ديكرى وطنى ايكي مصيبتك صحنه تاو هي صورتند گزدران  
 اولمشدى . پرستيد خيال ايدنديكي نشانليسنك سوق طمع ونقض عهد  
 ايله ديكرينه وارمى حزن ذاتيسنك و ۱۸۷۰ و ۷۱ سنه لرنده فرانسه نك  
 دوچار اولدينى احوال اضمحلال ، تالم وطنيسنك سبيلريد . پارسك  
 سورلرى اوكنده وظيفه مدافعه ي ايفا ايدر كن ايكي آياغى صوغوقدن  
 طوكدى . ووطنك خاطره فلاكتنى حياتنك دم واپسينته قدر دماغى  
 نصل سوروكلدى ايسه ، عضويت بدنيه سى ده برال عربه سنك ايچنده  
 اوصورتله تام اوتوز سكر سنه سوروكلدى ، طوردى .

هر بويوك قلب گبى ، سوللى پرودوم ده عمرينك اوجاع حرمانى  
 تسكين وتنويم ايدنه جك دوايى علمده ، صنعتده ، تنشيط وجدان ايدن  
 اعمال صالحه ده آرامش ... آرامش ، وبولمشدى .

۱۸۷۰ حربى فرانسه ي اسفل سافلين هزيمته يووارلامه دن اول  
 وطنداش لرينك بر قسم افراد كيه وضالاه سى گبى ، سوللى پرودوم ده انسانيت

حَسَنی وطن مَحَبَّتَه تقدیم و هیئت مجموعَه بشریه نك منافع عمومیه سی  
 خارجده قومنك بر منفعت معتزله سی اوله میه جغه ربط قناعت ایدنلردن  
 ایدی. شاعر، مصائبك ایقاظ بی امانی اوکنده بو خطای اجتہادی بی  
 درك ایله نادمانه اعتراف ایدیور و دییورکه :



## ندامت

۱

امن وآسایش زماننده وطنمی بی حرارت بر محبتله سورددم ؛  
بحق احراز ایتمش اولدینی شهرت عظیمه ایله ، فقط پرستشکار  
اولیه رق ، مفتخر ایدم .

۲

شیلملرله برابر حایقیره رق ،

« بن هر کسله همشهرم ؛ حیاتک جوشا جوش اولدینی هر یرده  
بنم ایچون طوپراق لطیف وانسان عزیزدر !.. »

۳

« گونشک طوغدینی ساحلردن شمس غاربک دیارینه قدر ، بنم  
دشمنم خیت اولاندر . وبایراغمده لاجوردی خیالمدر ! »

۴

« حق غالبک صلح و سکون ایچنده حکمران و صنعتک بکا تبسمله  
دعواتخوان اولدینی و عرق بشرک جلادار ودلبر بولندینی هر یرک ملیته  
قلبمی قلب ایدرم . »

۵

« بنم وطنداشم ، انساندر ! » دیردم . وبوفرانسز قلبنی اوللری  
بوصورتله کائاته تبذیر ایدردم . شیمدی اقتصادکارم .

# REPENTIR

## 1

J'aimais froidement ma patrie,  
Au temps de la sécurité;  
De son grand renom mérité  
J'étais fier sans idolâtrie.

## 2

Je m'écriais avec Schiller:  
" Je suis un citoyen du monde;  
En tous lieux où la vie abonde,  
Le sol m'est doux et l'homme cher !

## 3

" Des plages où le jour se lève  
Aux pays du soleil couchant,  
Mon ennemi, c'est le méchant,  
Mon drapeau, l'azur de mon rêve !

## 4

" Où règne en paix le droit vainqueur,  
Où l'art me sourit et m'appelle,  
Où la race est polie et belle,  
Je naturalise mon cœur ;

## 5

" Mon compatriote, c'est l'homme ! „  
Naguère ainsi je dispersais  
Sur l'univers ce cœur français :  
J'en suis maintenant économe.

۶

اوجاغمی وهر بنی سونی ، اگمکی وحتی مفکوره می نشئت  
ایتدیکم قومدن آلمش اولدیغمی اونودیوردم ،

۷

اونودیوردم که بنی اوقشایان وحتی یاره لایان گوزلرک ایچنده  
فرانسه سمانک تاجو جوقلغمدن بری نعمت سنج شوق وشادیسیم !

۸

بونى اول طویماشدم ؛ فقط محلنه صرف ایدلماش اولان نوازش  
شفقتمه ، قره گونلرمزدن بری آرتق نادم اولدم .

۹

او شفقت ونوازشی منحصرأ مملکتیمه ونوع بشره اولان عشقمله  
کندیلرینه خیانت ایتیش اولدیغم آدملره ارجاع ایدیورم ؛

۱۰

بتون او آدملره که قانلری بنم حقوقم واو هام وخیالاتم ایچون  
آقدی : اکر بتون انسانلر قاردشم ایسه لر ، یا آرتق اوفدای خون  
ایدنلر بنم نهم اولورلر ؟

۱۱

جاده لرک قالدیرمی اوستده ، سیل یا تاقلرنده ، یاما جلرده ییقامیوب  
قلمش اولان اوقانک کیمینه قطره لرینی اوپه جکم .

## 6

J'oubliais que j'ai tout reçu,  
 Mon foyer et tout ce qui m'aime,  
 Mon pain, et mon idéal même,  
 Du peuple dont je suis issu,

## 7

Et que j'ai goûté dès l'enfance,  
 Dans les yeux qui m'ont caressé,  
 Dans ceux mêmes qui m'ont blessé,  
 L'enchantement du ciel de France!

## 8

Je ne l'avais pas bien senti;  
 Mais depuis nos sombres journées,  
 De mes tendresses détournées  
 Je me suis enfin repenti;

## 9

Ces tendresses, je les ramène  
 Etroitement sur mon pays,  
 Sur les hommes que j'ai trahis  
 Par amour de l'espèce humaine.

## 10

Sur tous ceux dont le sang coula  
 Pour mes droits et pour mes chimères:  
 Si tous les hommes sont mes frères,  
 Que me sont désormais ceux-là?

## 11

Sur le pavé des grandes routes,  
 Dans les ravins, sur les talus,  
 De ce sang, qu'on ne lavait plus,  
 Je baiserais les moindres gouttes;



۱۲

حصارلرڭ قله و خندقلرنده صوڭ گونلرڭ بغداديسز اكمكندن  
قالان سياه ، فقط وفاكار قيريتيلري طوبلايه جغم ؛

۱۳

حالا چوكوك طوران تارالرمزده ، برزائر ديندار صفتيه  
طولاشه رق ، اوچ رنكلي بايراغمزڭاڭ كچوك پارچه لريني ، بر آبدؤ مقدسه  
گبي ، ديوشيره جكم ؛

۱۴

چونكه اي فرانسه ، الوان مليهك يولنده اولمكي بيلن عوام ناس  
گبي ، سني بو حربدن صوڭره ، فلاكتلرڭ اورتەسندە ، برچوجوق  
فطرت سليمه سيله سوييورم .

۱۵

سنك اسكي باغليكه ، سنك گونشكه ، اجدادمزڭ بي امثال قوت  
ودهالريني اخذ واستحصال ايتمش اولدقلى سنك اوگوزل طوپراغكه  
عوام ناسكله برلكده محبت ايدييورم .

۱۶

سنك اهتزاز ايدن چاڭ قله لريكه سياه قارتاللى قومشو گورديكم  
زمان ، بتون حياتمڭ كوكلى سنك بوگرلرڭده تترەديكنى حس ايتدم .

۱۷

مسامحه ناپذير بر ديندارلقله مسحور وگج قالان بر عذاب  
وجدانى ايله دلخراشيدە اولديغم حالده ، قصورلرڭدن بكا ترتب ايدن  
حصه نك مسؤليتنى قبول وسنك سفالتكه ربط حيات ايدييورم .



## 12

Je ramasserai dans les tours  
Et les fossés des citadelles  
Les miettes noires, mais fidèles,  
Du pain sans blé des derniers jours ;

## 13

Dans nos champs défoncés encore,  
Pélerin, je recueillerai,  
Ainsi qu'un monument sacré,  
Le moindre lambeau tricolore ;

## 14

Car je t'aime dans tes malheurs,  
O France, depuis cette guerre,  
En enfant, comme le vulgaire  
Qui sait mourir pour tes couleurs !

## 15

J'aime avec lui tes vieilles vignes ;  
Ton soleil, ton sol admiré  
D'où nos ancêtres ont tiré  
Leur force et leur génie insignes.

## 16

Quand j'ai de tes clochers tremblants  
Vu les aigles noires voisines,  
J'ai senti frémir les racines  
De ma vie entière en tes flancs.

## 17

Pris d'une piété jalouse  
Et navré d'un tardif remords,  
J'assume ma part de tes torts ;  
Et ta misère, je l'épouse.

## از بهار خون

۱

بز حرب ایدرکن گونشده بهاری ابداع ایتدی . براز اول  
محاربلاڭ بری برلرینی اولدوردکلری یرلرده چیچکلر یوکسلور .

۲

ستر ایتدکلری جنازه لره و بو قورقونچ گوبره یه رغماً ، ایشته  
کأسلری ، کچن سنه کی گبی ، صاف وتازه آچیلقمده در .

۳

طوپراق بو قدر قان ایچمشکن جزائر منکشه سی نصل ماویلشدی ،  
زنباق نصل بیاض طوغيور ، واپادیه نه دن حالا اق ؟

۴

تلوین ایدن نسغ ، یالکز انسان قانندن وجود بولمشکن ، بو  
چیچکلر قیزل برلکه دن خالی اوله رق ، نصل آچیلیور ؟

۵

پازده استیلا اولان اسکی چیچک طرحلرینک عار و حجابی ،  
مملکتلرینک اعماق سینه سنندن کندی توپجلا رینه قدر چیقدیغنی فرق  
ایتمورلرمی ؟

# FLEURS DE SANG

## 1

Pendant que nous faisons la guerre,  
Le soleil a fait le printemps :  
Des fleurs s'élèvent où naguère  
S'entre-tuaient les combattants.

## 2

Malgré les morts qu'elles recouvrent,  
Malgré cet effroyable engrais,  
Voici leurs calices qui s'ouvrent,  
Comme l'an dernier, purs et frais.

## 3

Comment a bleui la pervenche,  
Comment le lis renait-il blanc,  
Et la marguerite encor blanche,  
Quand la terre a bu tant de sang ?

## 4

Quand la sève qui les colore  
Ne faite que de sang humain,  
Comment peuvent-elles éclore  
Sans une tache de carmin ?

## 5

Leur semble-t-il pas que la honte  
Des vieux parterres envahis  
Jusques à leur corolle monte  
Des entrailles de leur pays ?

۶

اجنبی اونلری گوزلرمنك اوڭنده طوبلايورده هيچ بری اوڭا  
چين جين گوسترميور . واو اجنبی گچركن ، غالبك يوزينه خنده نثار  
اولماق ايجون ، هيچ بری پاپراقلرينی دوکيور ؟

۷

هيچ بری آری يه ، « بن بوسفر رايحه سزم ! » ، وکندینی اويقودن  
اويانديران کلبکه ، « آرتق بودفعه جامی صقيورسك ! » ديميور .

۸

برچوق زواللی اولاد وطنك دوشديکی بو منحوس اووه لرده  
هيچ بری ، حياء اولسون ، وريقه لرینك شعشعه ظفرینی قارارتمادی .

۹

آب وتابلرينی ماتممزدن نسج ايتملرکن بزه هيچ برشی اظهار  
ايتيورلر . سببی ده چيچکلرک حافظه لری اولماسی در . اونلر کهنه  
بر عالمده هر دم تازه درلر .

۱۰

ای چيچکلر ، يکي غلافلرکرك قيوريملرينی حزن و مرارتله  
قاييکيز : کندکزي بو طوپراقلره گومولن گنج گوکلرک طوللری  
حس ايتيورميسکيز ؟

۱۱

فلاکتلرمزه قارشى لاقيد ، عذاب وجدانیدن آزاده ، آچيلوب  
صاحيليورسکيز : ای فرانسه نك برپارچه ده اقربامز اولان چيچکلری ،  
ئولولرمزه آغلاملی ايدیکيز ..!



## 6

Sous nos yeux l'étranger les cueille;  
 Pas une ne lui tient rigueur,  
 Et quand il passe, ne s'effeuille  
 Pour ne point sourire au vainqueur;

## 7

Pas une ne dit à l'abeille:  
 " Je suis cette fois sans parfum! „  
 Au papillon qui la réveille:  
 " Cette fois tu m'est importun! „

## 8

Pas une, en ces plaines fatales  
 Où tomba plus d'un pauvre enfant,  
 N'a, par pudeur, de ses pétales  
 Assombri l'éclat triomphant.

## 9

De notre deuil tissant leur gloire,  
 Elles ne nous témoignent rien,  
 Car les fleurs n'ont pas de mémoire,  
 Nouvelles dans un monde ancien.

## 10

O fleurs, de vos tuniques neuves  
 Refermez tristement les plis:  
 Ne vous sentez-vous pas les veuves  
 Des jeunes cœurs ensevelis?

## 11

A nos malheurs indifférentes,  
 Vous vous étalez sans remords:  
 Fleurs de France, un peu nos parentes,  
 Vous devriez pleurer nos morts.

**Sully Prudhomme**



## بوکتاده اسمی مسطور اولاملر

— القبا صیره سیله ...

آ

آدم ( حضرت ) ، ۷۳

آلکساندر ( چار ایکنجی ) ، ۳۵ ، ۳۶

آلکساندر ( چار اوچنجی ) ، ۳۶

آناطول فرانس ، ۶۴

آنیبال ، ۲۹ ، ۴۴

ا

ابراهیم ( حضرت ) ، ۶۲

احمد مختار پاشا ( غازی ) ، ۴۲ ، ۸۴

اسعد بك ( نیکدهلی قول اغاسی ) ، ۲۷

ئه وودو کیموو ( جنرال ) ، ۳۴

ب

باراتنسکی ( جنرال ) ، ۳۴

بایرون ، ۱۱۸

بایز پاشا ، ۵۳ ، ۵۵

برناردن دوسن پیهر ، ۳۰

پ

پیهرلرمیت ، ۷۷

ت

توفیق پاشا ، ۱۵

تولستوی ، ۱۱۹

ج

جلال نوری بك ، ۱۱۷ ، ۱۱۸

جمال الدین ( ملا ) ۳۲

جناب شهاب الدین بك ، ۳ ، ۴

جودت بك ، ۱۱۹

جورجی پاشا ، ۸۵

ر

رورهس ، ۹۶ ، ۹۷

س

سامی پاشا ، ۸۳



سراج الدین بك ، ۱۰۷

سعدی شیرازی ، ۹۰ ، ۹۱

سلیمان پاشا ، ( شهزاده ) ۴۱ ، ۱۰۷

سلیمان حسنی پاشا ، ۳۹ ، ۴۱ ، ۴۲ ، ۴۳ ، ۴۴ ، ۴۵

سلیمان قانونی ، ( سلطان ) ۱۳

سوللی پروودوم ، ۱۲۳ ، ۱۲۵

س

شارل میسمر ، ۸۴

شا کر پاشا ، ۸۵

شامل ( شیخ ) ، ۲۷ ، ۲۹ ، ۳۰ ، ۳۲ ، ۳۳ ، ۳۴ ، ۳۵ ، ۳۶ ، ۳۷

شناسی افندی ، ۸۹

شووالوف ، ۴۴

شهاب الدین بك ، ۴

شیلر ، ۱۲۸

ص

صادق بك ( طیاره جی شهید ) ۴۹ ، ۵۰

صلاح الدین ایوبی ، ۵۰

ص

ضیا پاشا ، ۸۹

طلعت بك ( اسکنداری شاعر ) ، ۲۵

طلعت بك ( تاریخ حرب مؤلفی بیکباشی ) ، ۱۵ ، ۱۶ ، ۱۷ ، ۱۸ ، ۱۹ ، ۲۱ |

ع

عالی پاشا ، ۸۳ ، ۸۴

عبدالحق حامد بك ، ۸۷ ، ۸۹ ، ۹۲

عبدالحمید ( سلطان ) ، ۴۵

عبدالعزیز ( سلطان ) ، ۸۴

عثمان ( سلطان ) ، ۱۱۲

عثمان پاشا ( غازی ) ، ۱۴ ، ۱۵ ، ۱۶ ، ۱۹ ، ۲۲ ، ۲۶

علی چاوش ، ۱۵ ، ۱۶

علی رقرق ( شیخ ) ، ۶۱

عمر پاشا ، ۸۳

غ

غازی محمد پاشا ، ۳۵

غازی ملا ، ۳۱

ف

فائق عالی ، ۶۶

فاتح ، ۱۲۱ ، ۹۳

فاضل احمد پاشا ، ( کوہرلی زادہ ) ، ۸۶

فتحی بك ( طیارہ جی شہید ) ، ۴۹ ، ۵۰

ق

قاموئٹس ، ۹۲

قرنی بك ، ۵۳ ، ۵۵

قورنہی ، ۵۵

م

مبروك ( شیخ ) ، ۶۱

محمد ( حضرت ) ، ۶۹ ، ۱۱۲ ، ۱۲۰

محمد خان خامس ( سلطان ) ، ۶۳ ، ۶۹

محمد فاضل پاشا ( طاغستانی ) ، ۳۶

مدحت پاشا ، ۴۵

مستعصم بالله ، ۹۰

مسیح ( حضرت ) ، ۵۰

موسی رقرق ( شیخ ) ، ۶۱

ن

ناپولئون ، ۴۴

نامق کمال بك ، ۸۳ ، ۸۹ ، ۱۱۵

نورالدین پاشا ، ۱۴

نیقولا ( چار ایکنجی ) ، ۳۶ ، ۱۲۰

و

ویقتور هوغو ، ۹۱ ، ۱۱۸

ی

یاوز ، ۹۳ ، ۱۱۵

یوسف شتوان بك ، ۶۱ ، ۶۲


یونس بك ، ۱۵ ، ۱۹ ، ۲۰ ، ۲۱ ، ۲۲ ، ۲۳ ، ۲۴ ، ۲۵ ، ۲۶

## مندرجات

جناب شہاب الدین بکہ	۳
اولاد شہدایہ	۴
روس کیمدر ، موسقوف نہدر ؟	۹
بطاریہ ایلہ آتش !!!	۱۳
یونس بک	۲۲
یونس بکک ترجمہ حالی !	۲۴
شیخ شامل	۲۹
سلیمان حسنی پاشا	۴۱
ایکی کمرہ شہید	۴۹
قرنی بک	۵۳
قہرمانلر تار یخٹک یگی بر نامزدی	۵۵
آہ ایتالیا ! . . .	۵۷
کرید	۷۹
شاعر اعظم عبدالحق حامد بکہ	۸۹
استانبول اگلنیور ! . . .	۹۶
چناق قلعه نٹک استانبولی شہداسنہ	۱۰۰
چمن تپہ دہ	۱۰۵
استانبول بزم ابدی پایتختمز	۱۱۱
خصومتی ، محبتی ؟ . . .	۱۱۵
سولی پرودومٹک ایکی منظومہ سی	۱۲۳
بوکتابدہ اسمری مسطور اولانلر	۱۳۸







3 1761 06979676 1

Nazif, Suleyman  
Batarya ile ates

DR  
442  
N3  
1916

